

**Bogaerts a bati
un grand slam
pa yuda Padres
laga Rockies
den tereno**

Polis enfatisando e importancia pa entrega e arma di candela voluntariamente.

Hues a manda prizon un homber deteni pa posesion di arma di candela



ORANJESTAD (AAN): Vocero di Polis a confirma, cu poco dia pasa, esta Diadomingo 29 di Maart 2026, oficialnan di Polis a haci un detencion relaciona cu posesion di arma di candela.

Durante un control den e vehiculo di e sospechoso, agentenan policial a haya un tas cu tabata contene un pistol hunto cu municion. Esaki ta subraya un bez mas e peliger cu presencia di arma di candela ilegal ta representa den comunidad.

E persona en cuestion a wordo deteni mesora pa violacion di e Vuurwapenverordening. Ta trata di e homber naci na Aruba di inicial T.S.C.

A resulta cu Cuerpo Policial di Aruba y Ministerio Publico a traha cu rapidez riba e caso y diamars 7 di april 2026 T.S.C. a wordo hiba dilanti Corte den un asina yama “snelrecht zitting”. Huez a conden’e pa un castigo di prizon di 18 luna, di cual 6 luna ta condicional.

Ademas Huez a pon’e bao supervision di Reclasering como un condicion adicional.

Cuerpo Policial conhuntamente cu Ministerio Publico kier enfatisa cu e accion di entrega bo arma di candela ilegal ainda ta andando. Meta di e campaña aki ta pa duna tur persona e oportunidad di deshaci di nan arma di candela ilegal sin cu nan wordo persigui penalmente pa e posesion di esaki.

Un recordatorio cu accion di entrega e arma di candela ilegal ta te cu dia 24 April 2026 y bo por deposit’e den e baki blauw na San Nicolas y bo ta keda completamente anonimo.

Autoridad ta manda un aviso cla y raspa cu e controlnan lo sigui intensifica den tur bario. Haci uzo di e oportunidad aki awor: no warda te ora ta laat. Entreg’e of Polis mes lo bin busc’e.

Sindicato aki papiando di ‘manda mensahe cla’

Departamento di Rijbewijs di Cuerpo Policial a bay den accion

• *‘Awo si ta basta. No bay laga nos yega na e punto cora’*

Tres exposicion nobo ta ilumina Sala Safiro na Biblioteca Nacional Aruba



ORANJESTAD (AAN): Biblioteca Nacional Aruba a inicia un periodo nobo di exposicion den Sala Safiro, presentando diferente tema relevante pa comunidad. Yosmar Sneek di Biblioteca Nacional Aruba a remarca cu e exposicionnan den Sala Safiro ta wordo cambia cada 4 luna. Ta trata di tres exposicion chikito, pero cu un contenido rico y educativo. Sala Safiro ta un espacio unda comunidad por reuni, relaha, lesa buki, studia, lesa revista, uza computer y tambe haya mas informacion tocante e exposicionnan y biblioteca mes.

Chauffeur femenino cu a mata dos hende cu auto ta keda encarcela te Juli ora cu lo trata e caso

***Fiscal a presenta mas acusacionnan contra C.F.D.**



Disgusto den pueblo

Tin hende cu a venena un Warawara y awor e ta luchando pa su bida

ORANJESTAD (AAN): For di Aruba Birdlife Conservation, a tuma nota di un caso hopi lamentabel cu e siman aki a keda registra riba e isla. E ta no djis algo tristo, pero e ta bira alavez un alerta pa tanto legisladornan y comunidad tuma bon nota di dje. Esaki ta e parha iconico ‘Warawara’ di Aruba, cu awor ta luchando pa su bida despues cu un of mas hende a pone veneno pe.



Sindicato aki papiando di 'manda mensahe cla'

Departamento di Rijbewijs di Cuerpo Policial a bay den accion

• 'Awo si ta basta. No bay laga nos yega na e punto cora'



ORANJESTAD (AAN): E situacion cu ta pasando na Departamento di Rijbewijs ta birando alarmante. Esaki no ta un situacion cu a cuminsa recien sino algo di hopi aña caba y cu tin conocimiento cerca tur e ultimo minister-nan concerni cu a sinta.

Hemchi a bay over, y Dia-bierna a bay den accion.

Señor Rodney Solognier di Sindicato SPA, a enfatisa diabierna mainta, durante cu e departamento a bay den accion y pone trabao plat, cu e situacion aki a bay di malo pa peor den e ultimo añanan.

E edificio ta den estado deplorabel, tin sistemanan di airco cu no ta funciona cu ta causa hopi calor. Tin beskem ('schimmel'). Blafonnan ta kibra. E problemanan aki, ta causa cu e departamento no por funciona manera mester ta. No por duna examen di rijbewijs debidamente.

A traha varios rapport di e edificio y e problemanan cu e departamento ta enfrenta pa hopi aña caba. Hefenan di e departamento di pasado y actual no a haya contesta, segun Solognier, nan no a haya ni un si, ni un no.

E actual Minister di Husticia, Arthur Dowers, recientemente a declara cu e departamento mester move pa otro

edificio. A haya un edificio cu a resulta cu tampoco ta adecua pa ubica e departamento aki pa funciona na e forma cu mester ta. Despues di esaki, señor Solognier a remarca, nada mas a bin dilanti mientras cu e condicion di e edificio y situacion di trabao ta empeora.

El a enfatisa cu a yega tempo pa Gobierno di Aruba bin

cu un solucion mas pronto posibel. E situacion aki, no solamente ta afecta e trahadonan, sino tambe e clientenan cu ta drenta e edificio pa servicio di rijbewijs.

"Awe, SPA, hunto cu mi-embonan, ta bin aki dilanti den un accion pa pidi un solucion mas pronto posibel. No aki un aña, no un otro gobierno", señor Solognier a

expresa.

Segun Solognier, e accion ta simplemente un yamada na e autoridadnan competente pa busca un solucion mas lihe posibel. El a enfatisa cu esaki ta e prome fase di accion pa avisa Gobierno di Aruba cu awo si a yega e punto final. Awo si ta basta. "No bay laga nos yega na e punto cora", el a agrega.

Caribbean Summer Court

augustus 2026

Gemeenschappelijk
Hof van Justitie

Ben je afgestudeerd aan een middelbare school op Aruba, Bonaire, Curaçao, Sint Maarten, Sint Eustatius, of Saba?

Studeer je, met bovengemiddelde studieresultaten, rechten aan de Universiteit van Aruba, de Universiteit van Curaçao, of een Nederlandse universiteit?

Wil je een vakantie 'thuis' combineren met een stage van drie weken bij het Gemeenschappelijk Hof van Justitie?

Dan kom jij mogelijk in aanmerking voor een van de drie Caribbean Summer Court-stageplaatsen (met ticketvergoeding) voor de periode van 10 t/m 28 augustus 2026 op Aruba of Curaçao.

Stuur je cv met cijferlijst en een korte motivatie vóór 3 mei 2026 via onze sollicitatieportaal op:

www.ghvj.org

Voor meer informatie, scan de QR-code.



Edwin Jacobs di SVb

Cada aña menos baby ta nace na Aruba y por crea reto den futuro pa e mercado laboral

ORANJESTAD (AAN): Datanan cu DIARIO a ricibi for di señor Edwin Jacobs di SVb, ta indica cu e cantidad di baby cu ta nace anualmente, ta bahando fuertemente. Mas o menos 10 aña pasa, tawatin entre 1400 y 1500 baby cu ta nace pa aña. Actualmente, e cifra aki ta yegando na 800 pa aña. E cantidad aki, segun señor Jacobs, lo sigui baha.

Tasa di fertilidad na Aruba ta entre esunnan mas abou na mundo. Esaki ta rond di 1.3 baby pa hende muhe den edad fertil. Pa un poblacion por reemplasa sumes, e tasa mester ta 2.1 baby promedio.

Segun señor Jacobs, e proceso actual ta un pro-

ceso irreversible, dus no por draai e bek. Varios pais a purba stimula hende muhe haya mas yiu, sin embargo, esaki no ta dunando resultado. Un motibo di esaki ta, cu e generacion mundial nobo actual ta mira bida na un manera ful diferente cu e generacionnan prome.

Señor Jacobs a remarca cu esaki ya ta pone Aruba caba den un situacion basta fastioso cu lo mester atende cu ne. Di un banda, menos yiu ta nifica cu na cierto momento lo tin menos trahado. Pa un economia cu ta sigui crece, den principio e cantidad di cupo di trabou ta aumenta.

El a menciona cu na final di maart 2025, pa prome biaha a cera riba 50 mil



relacion di trabou sigura na SVb. Esaki kiermeen cu tin mas di 50 mil cupo di trabou y na momento cu e cantidad di personanan local pa yena e cuponan aki tambe ta baha, lo tin un deficit riba mercado laboral pa yena cupo di trabou.

Segun e, si na dado momento no yena e cuponan

aki, e consecuencia lo ta cu empresanan lo no por funciona totalmente. Esaki na final di dia, lo causa tambe cu GDP lo baha. Of, el a enfatisa, lo mester importa mas trahado di exterior. Un otro posibilidad cu el a menciona ta automatiza of robotisa.

Tambe, el a menciona cu por trece mas eficiencia den empresanan pa percura cu no tin cuponan mas y cu por draai cu menos trahado.

Den tur caso, señor Jacobs a remarca cu e situacion ta trece un reto pa Aruba, un reto pa e mercado laboral den futuro si no atende cu ne. Y na momento cu e ta trece un reto economico, tur loke cu ta depende di

economia pa funciona, lo bay ta bou presion, entre otro sector colectivo, cu ta depende riba loke sector priva ta produci.

“Esaki ta un preocupacion y reto cu a lo largo lo forma un presion cu nos mester atende cu ne. Si aña pasa 800 baby a nace, pa ora nan crece y ta cla pa drenta mercado laboral aki 18 pa 20 aña, e cantidad lo ta 600. Plus lo tin mas o menos 1200 ciudadano cu ta bay cu pensioen, ya lo in un deficit di 600. Esakinan ta situacionnan cu mester cuminsa pensa y traha riba nan y no laga nada yega di sorpresa riba nos pa e ora busca solucion”, señor Edwin Jacobs a duna di conoce.

Chauffeur femenino cu a mata dos hende cu auto ta keda encarcela te Juli ora cu lo trata e caso



ORANJESTAD (AAN): Ayera merdia 2'or e dama C.F.D. a presenta den Corte pa e caso penal cu Ministerio Publico a cuminsa contra dje. Fiscal di Ministerio Publico ta acusa C.F.D. cu riba 4 Januari 2025 riba Smith Boulevard un tiki despues di Renaissance Hotel, a dal mata cu un Jeep dos persona y intento

di mata otro dos persona, kendenan na e momento ey tabata cruzando caminda. C.F.D. tabata core cu un velocidad hopi halto y sigui core bay.

ACUSACIONNAN

Fiscal a presenta mas acusacionnan contra C.F.D. cu ta:

- tabata core sin rijbewijs y sin keuringskaart;

- no tabata core na man drechi di caminda;

- tabata core mucho duro y no a controla su velocidad;

- tabata core auto bou influencia di alcohol

E chauffeur femenino ta keda deteni

E caso tabata pro forma o sea cu Hues lo scucha peticion di abogado y Fiscal y tambe lo fiha fecha pa

tratamiento di e caso. Ta asina cu abogado a trece defensa pa suspende e detencion di C.F.D. y cu kier scucha dos testigo. Tambe e abogado a pidi pa laga un psicologo traha un raport di e situacion di C.F.D.

Fiscal a para riba cu C.F.D. mester keda encarcela, mirando e seriedad di e caso. El a muestra cu dos persona a wordo mata y e otro dos

personanan a haci denuncia di intento di mata.

Hues a rechaza peticion di abogado pa laga C.F.D. liber. Hues a bisa cu C.F.D. ta keda encarcela te dia 3 Juli 2026, dia cu lo trata e caso.

Hues a ordena tambe cu mester scucha dos testigo y cu psicologo lo traha un raport despues di a evalua C.F.D.





Cuminsando cu 4 florin, bo por gana e suma grandi aki

Afl.

160.000,-

Obtenibel na cualkier rebendado di Lotto.

sorteo ta awe nochi 7:45 pm



HUNGA AWO



Disgusto den pueblo

Tin hende cu a venena un Warawara y awor e ta luchando pa su bida



ORANJESTAD (AAN): For di Aruba Birdlife Conservation, a tuma nota di un caso hopi lamentabel cu e siman aki a keda registra riba e isla. E ta no djis algo tristo, pero e ta bira alavez un alerta pa tanto legisladornan y comunidad tuma bon nota di dje.

Esaki ta e parha iconico

'Warawara' di Aruba, cu awor ta luchando pa su bida despues cu un of mas hende a pone veneno pe. Aki por mira Greg Peterson di Aruba Birdlife Conservation cu e Warawara, y cu ta den man awor di veterinario Dr. Ricardo Gogorza cu ta tratando tur medio pa asina salba su bida.



Esaki no ta djis pasando cu Warawara aki, sino tambe cu recien a bin haya un Shoco di Aruba cu a wordo venena. Esaki ta



algo inaceptabel, y mester stop inmediatamente.

Uzo incontrole di veneno ta matando animalnan di mondi. Corda cu veneno no ta keda unda cu bo a pone nan. Nan ta plama door di e sistema natural, afectando parha, animal y finalmente humanidad tambe.

Un suplica urgente ta bay na gobernantenan pa purba na trece reglamentonan mas estricto pa cu uzo di veneno cu por wordo permiti. Tambe pa defini y stipula benta maximo di veneno. Tambe implementa guia estricto y monitoreo di tur esaki.

Lama bruto a pusha turista hopi leu for di costa di Corsou



WILLEMSTAD: Diamars anochi, Centro Operacional Maritimo (MOC) di Wardacosta a ricibi petition di yudansa di Cuerpo Policial di Corsou. Nan a raporta cu un turista femenino Chileno a perde riba lama. E turista tabata

nabegando riba un kayak di aire saliendo di Piscadera baai. Pero debi na lama bruto, el a perde un di su pagay, pues e no por a controla su kayak mas.

Ora cu alarma a wordo bati, e turista tabata como 2 miya leu di costa caba.

Mesora Centro MOC a laga nan cutter Jaguar mobiliza pa e area, y a laga nan avion Dash-8 tambe lanta vuelo pa yuda den e buskeda.

Lama bruto cu biento fuerte tabata sigui pusha e turista mas y mas leu. Finalmente ta e cutter Jaguar mes a bin haya e Kayak cu e turista ainda riba dje. E turista tabata sufriendo di un tiki calafrieu, pero en general su salud tabata bon. Nan a his'e abordo y a regresa bek cu ne na e Pier di Wardacosta.

Wardacosta ta suplica tur hende cu ta uzando lama e dianan aki, pa tene cuenta cu lama ta bruto.

MAESTRO BENJAMIN

Mi no ta bruho ni hasido di magia tampoco lesado mente. Si bo ta sinti cu spirito cu no ta lagabo drumi, bo ta tuma hopi remedinan pa kita un malesa y bo ta haña otro, paso abo ta victima di un bruheria hasi door di un potret, cabei of cuminda. Pero **EL MAESTRO BENJAMIN** tin e solucion pa tur e problemanan.

Yama awor mes na e telefoon: **641-4186**

Mi ta cura cualquier tipo di malesa pa straño o dificil cu e por ta mi ta regresa bo ser stima den poco tempo. No ta importa e distancia ni e tempo. Mi lo regresa bo suerte pabo por gana loteria y casino. Mi ta cura bo curpa y bo cas di tur tipo di bruheria y maldicion.... Trabou ta 100% garantisa.

CEL/ **641-4186**

Reunion entre Gobierno y Crisis Management Office enfoca riba colaboracion y preparacion strategico



ORANJESTAD (AAN): Riba Diabierna a tuma lugu un reunion regular entre Prome Minister Mike Eman y Crisis Management Office (CMO), cu enfoca riba actualisacion di trabaonan, colaboracion

dentro di Reino y posicionamento strategico di Aruba den contexto regional.

Durante e encuentro, CMO a presenta un update general riba nan actividadnan y progreso, incluyendo inventarisacion continuo di diferente aspecto relaciona cu preparacion y maneho di crisis.

Un punto importante di discusion tabata e fortalecimiento di colaboracion cu partnernan den Reino, unda a intercambia idea riba con Aruba por posiciona su mes di manera stra-



tegico den palabracionnan cu ta andando cu otro part-

ner relevante. E reunion a resulta den direcccionnan nobo di colaboracion, cu lo sigui desaroya den e simannan nos dilanti.

Ademas, a tuma momento pa evalua brevemente e trabaonan durante Semana Santa, unda diferente instancia a traha intensivamente pa garantiza seguridad y bienestar di comunidad. Den e contexto aki, a expresa aprecio na ekipo di CMO y na partnernan manera Cuerpo Policial Aruba y Cruz Cora pa nan dedicacion, particu-

larmente den area di Baby Beach.

Prome Minister Mike Eman a enfatisa importancia di coordinacion continuo entre instansianan, subrayando cu preparacion y colaboracion ta elemento clave pa mantene Aruba resiliente y sigur.

E reunion aki forma parti di e consultanan regular entre Gobierno y CMO, cu tin como meta fortalecer capacidad institucional y promove un enfoca integral pa maneho di riesgo y seguridad nacional.

LUNA DI LOCURA!

CUMpra 2 LOTTO 5 Y HAY 1 LOTTO 5 LOCO GRATIS

CON PA HUNGA?
CU CADA COMPRA DI 2 LOTTO 5 RIBA E MESUN TICKET TA RICIBI 1 LOTTO 5 LOCO COMPLETAMENTE **GRATIS**. MAS BO CUMpra, MAS TICKET LOCO **GRATIS** BO LO RICIBI!

PROMOCION TA VALIDO
TE CU 30 DI APRIL

LOTTO
Cambiando bida...

www.lottoaruba.com

Numbernan vast a yuda Aquino gana 25 mil Florin



ORANJESTAD (AAN): E trend di gana uzando numbernan vast ta sigui! E biaha aki ta Aquino a cumpra su numbernan di semper pa sorteo di Zodiaco, y a nota cu el a gana tambe.

Pesey el a acudi na oficina di Lotto pa reclama su premio. Aki e funcionaria a revisa su ticket pa check si el a pone su firma parti patras, hunto cu numbernan di banco. Ora di scan e barcode, e computer a confirma cu Aquino a gana 25.000 Florin cu e sorteo di Zodiaco.

Mesora a sigui cu e proceso pa transferi e premio electronicamente pa su cuenta di banco. Aquino a indica cu e ticket ganador mes el a cumpra na Martha's Lottery.

Aruba a ricibi bishita di President di New Caledonia



ORANJESTAD (AAN): Den marco di The 21st Overseas Countries and Territories – European Union Forum, Aruba a ricibi awe bishita oficial di Alcide Ponga Presidente di New Caledonia na Bestuurskantoor.

New Caledonia ta un teritorio frances situa den parti zuid di Oceano Pacifico, cu ta consisti di varios isla, y cu tin un poblacion di casi 300 mil habitante.

Prome Minister Mike Eman a ricibi e delegacion y a sostene un conversacion ameno, enfoca riba topiconan di interes comun entre ambos pais, incluyendo cooperacion dentro

di e contexto di e paisnan y teritorionan cu tin relacion cu Union Europeo.

Durante e encuentro, a intercambia punto di bista riba temanan relevante pa e region, manera desaroyo economico, turismo y sostenibilidad, retonan comparti pa teritorionan insular cu ta busca un balansa entre crecimiento y proteccion di medio ambiente.

E President di New Caledonia a expresa su admiracion pa e progreso di Aruba, particularmente den area di turismo y maneho di desaroyo sostenibel, destacando cu tin oportunidad pa intercambio di experiencia y aprendisahe



mutuo entre ambos pais.

Como parti di e bishita, e delegacion a haya tambe

oportunidad pa aprecia e beyesa di Aruba for di e bista panoramico na tercer piso di Bestuurskantoor, reflehando e atractivo unico di nos isla.

E relacion entre Aruba y New Caledonia ta basa riba respet mutuo y un historia di colaboracion dentro di e Overseas Countries and Territories (OCT). Den pasado, Prome Minister Mike Eman, den su rol como Presidente di OCTA, a bishita New Caledonia

pa un encuentro oficial, fortaleciendo e lasonan entre ambos pais.

E amistad aki a keda vigente te awe, y ta wordo aprecia ampliamente como un base solido pa continua dialogo y cooperacion.

E bishita aki forma parti di e esfuersonan continuo pa mantene y profundisa relacionnan internacional, promoviendo colaboracion constructivo y intercambio entre e paisnan miembro di OCT-EU.

Forma mas facil di viahe pa pasaheronan

Proyecto 3DXVerse ta impulsa innovacion digital y sostenibilidad den aviacion na Aruba



ORANJESTAD (AAN): Colaboracion cu Union Europeo ta sigui genera innovacion na Aruba, e biaha aki cu e proyecto tecnologico “3DXVerse”, presenta pa Gino Schwengle. E iniciativa ta forma parti di un Horizon Proj-

ect, den colaboracion cu un consorcio internacional di universidad y empresa nan Europeo, E proyecto ta enfoca riba modernisacion di experiencia di biahe, introduciendo uzo di “digital travel credentials”.

Den colaboracion cu Aruba Tourism Authority (ATA), Inmigracion di Aruba, AAA y Directie Luchtvaart di Aruba, e sistema ta permiti pasaheronan crea un “pasport digital” riba nan telefoon, cu nan por comparti cu inmigracion prome cu nan yega Aruba.

Esaki ta permiti un proceso mas rapido na frontera, unda biahero no tin cu presenta pasport fisico. Mediante uzo di tecnologia di reconocimiento facial, identidad di pasahero ta verifica den apenas algun seconde na e-gates, reduciendo significativamente tempo di espera.

Ademas di facilitacion di biahe, e proyecto ta incorpora un componente innovador di sostenibilidad. A traves di un sistema digital, biahero por haya un indicacion di su carbon footprint relaciona cu su biahe pa Aruba. E iniciativa ta bay un paso mas leu, permiti bishitante participa activamente den compensacion cu ta causa impacto, door di actividadnan local manera plantacion di mangrove, generando “carbon credits” durante nan estadia.

Segun Schwengle, e proyecto ta duna empresa local acceso na colaboracion internacional y cono-

cimiento tecnico, reduciendo costo di desaroyo y facilitando innovacion den escala global.

“E colaboracion ta permiti nos desaroya producto innovador cu menos costo y cu apoyo di experto internacional,” el a indica, resaltando e balor di participacion den consorcio nan Europeo.

E proyecto 3DXVerse ta demonstra con colaboracion cu Union Europeo no solamente ta aporta sosten financiero, sino tambe ta crea oportunidad pa transferencia di conocimiento, innovacion tecnologico y desaroyo sostenible na Aruba.

Parlamentario Eduard Pieters (PPA):

BBO ta castigando pueblo y Gobierno no ta actua

ORANJESTAD (AAN): Pa fraccion di PPA, ta importante pa enfatisa cu Aruba ta den un momento economico peligroso. Prijs di petroleo mundial ta subi door di tension den Medio Oriente, costo di transporte ta aumenta (inclusivo e reportenan di flete cu ta subi total te 25%) y e analistanan internacional ta muestra un riesgo real di recesion mundial entre 30%–40%. Pa un isla cu depende mas cu 90% riba importacion, esaki no ta teoria, esaki ta realidad cu ya ta yega den cartera di pueblo. Pero segun parlamentario Eduard Pieters, loke ta mas preocupante no ta solamente e crisis global, sino e silencio hermetico di gobierno.

Pueblo di Aruba ta sinti e presion cada dia. Prijs ta subi sin control. Cuminda, transporte, construccion, tur cos ta birando mas caro. Pero te ainda, gobierno no a presen-

ta un plan cla, ni un strategia concreto pa mitiga e impacto. Y esaki no ta aceptabel.

Un ehempel real: El a duna un ehemplo con sistema ta castiga pueblo. Parlamentario Eduard Pieters a comparti un ehempel simpel y pesonal, pero poderoso pa muestra con sistema actual ta funciona contra pueblo. Den area di construccion, **un beton mat**:

Dos siman pasa: 35 Florin

E siman aki: 55 Florin

Un aumento directo di 20 Florin. Pero esaki no ta tur.

Door e sistema di BBO (belasting op bedrijfsomzetten), e prijs ta wordo multiplica den cada paso di cadena: Distribuidor ta paga BBO.

Negoshi final ta paga BBO.

Contratista ta incluye BBO den su prijs.

Resultado? Un aumento inicial ta converti den un efecto acumulativo cu por yega 21% of mas riba e mesun produc-



to. Y segun sector comercial, cu e situacion global, prijsnan por sigui subi. “Esaki ta un abuso cu nos sistema ta permiti,” Pieters a bisa. “Y gobierno no ta haci nada pa sauvisa e golpi.”

Gobierno ta beneficia, pueblo ta sufri: E realidad cu hopi hende no ta mira ta cu, mientras prijsnan ta subi, ingreso di gobierno ta subi tambe door e sistema di BBO. Esaki ta crea un situacion peligroso, unda pueblo ta paga mas, e negoshinan ta lucha, pero gobierno ta recauda mas fondo.

“Si bo no ta actua ora pueblo ta sufri, pero bo ta beneficia di e situacion, bo ta wordo considera nada otro como abusador” Pieters a enfatisa. Esaki ta un problema hopi serio.

Promesa politico traciona: Durante campaña electoral, tanto AVP como MEP a propone claramente pa elimina BBO y introduci BTW (belasting toegevoegde waarde). Pero awe, despues di eleccion, e cambio no a sosode. Segun Pieters, esaki ta un caso claramente di: promesa haci, pero no cumpli.

“Si bo tabatin e balor y honestidad cu pueblo, despues di mas cu un aña den gobierno, bo lo a cuminsa cu e cambio fiscal aki,” el a bisa.

PPA ta propone un caminda husto y cla: Cuminsa transicion di BBO pa BTW (no ta acumulativo y ta mas husto). Termina corto: kita BBO

riba flete y invoerrechten pa proteha y alivia consumidor. Esakinan no ta teoria of djis promesa, sino medidanan ehecutable cu gobierno por implementa.


Pueblo no por warda mas: Segun Pieters Aruba ta enfrentando un tormenta economico perfecto: prijs global ta subi, transporte ta caro y riesgo di recesion ta real. Pero loke no por acepta ta un gobierno cu ta keda keto. Cada dia di silencio ta costa pueblo mas placa. Cada siman sin accion ta aumenta presion riba nos famianan. PPA ta manda un mensahe directo: No ban laga e crisis explota prome cu actua. No ban laga pueblo sufri pa falta di decision politico. Gobierno mester move awor, no mañan. Pasobra na final di cuenta, bo no ta midi un gobierno pa su palabra, pero pa con e proteha su pueblo, ora e pueblo mas tin mester.



CUNUKERO

Mercado Nos Tera

Productionan Local



Diasabra 11 April '26

10:00 AM – 2:00 PM

Ponton 69-A, Arquib Parilla Grill

Carni cabrito, Carni porco, Pisca webo

Comcomber chiquito, lechuga, selder, pak choi, spinazi, berehein, tomati grape, tomato plum, tomato rondo, jambo, boonchi.

Juice di: Sorsaca, Tamarijn, Wortel, Rooibiet, Spinazi, Ginger.

**Ginger Shot
Ponche Crema, Bolo di coco,
Bolo di fruta, Quesillo, Kimchi,
Cuminda criollo**

Reflexologie Massage

Evelyn Wever-Croes di MEP:

Ban proteha dignidad humano y lucha contra trafico y contrabando di hende

ORANJESTAD (AAN): Dia 1 di april 2026, Staten a ricibi un presentacion di Coordinatiecentrum Mensenhandel y Mensensmokkel Aruba (CMMA). E presentacion aki a muestra cu Aruba tin un ekipo dedica, señora Jeanette Baars y señora Suekyen Croes cu ta haci un trabao hopi importante pa proteha nos pais y nos hendenan contra crimenan serio manera traficacion y contrabando di hende.

“Mensensmokkel” of contrabando di hende, ta un delito contra e pais. Ora un hende yuda otro hende drenta ilegalmente na Aruba, duna nan cas pa keda of trabao ilegalmente, esaki ta cay bou di “mensensmokkel” segun ley. Esaki por resulta den condena di te 18 aña di prison. CMMA a muestra cu nan tin hopi exito den e lucha contra e tipo di criminalidad aki.

“Mensenhandel” of trafico di hende, ta algo diferente y mas grave, pasobra esaki ta un delito contra e persona y contra derecho humano. Esaki ta inclui situacionnan unda hende ta wordo trata manera esclavo, no ta wordo paga, ta wordo forza den prostitucion of trabao forsa. Esakinan no ta cosnan leu di nos; esaki ta pasa na Aruba tambe. Pesey ta hopi importante pa mas hende den nos comunidad conoce e problema aki y sa con nan por reconoce señalnan y denuncia situacionnan sospechoso.

Mi kier expresa mi aprecio profundo pa e trabao importante cu CMMA ta haci tur dia. Nan ta traha pa proteha esnan mas vulnerabelnan den nos comunidad y pa mantene Aruba un pais sigur y husto. E trabao aki no ta facil y ta pidi hopi dedicacion, bal-



entia y perseverancia.

Semper mi a duna mi apoyo completo na CMMA, y p'esey mi a pidi pa Parlamento scucha nan. Apesar cu a tarda 4 luna pa e reunion wordo yama, mi ta contento cu porfin nos a logra. Mi ta desea CMMA hopi forsa y sabiduria den nan trabao importante. Nos tur tin un responsabilidad pa habri nos wowonan, pa no mira otro banda y pa yuda den e lucha contra traficacion y contrabando di hende. Hunto nos por haci diferencia.

Bon praatgroep di Lissette van Trigt



ORANJESTAD (AAN): Addonsito Croes a relata na DIARIO, cu recién e tabata testigo di tres di e varios encuentronan cu señora Lissette van Trigt a tene na grup'i bishitante cu interes den su 'praatgroep' presenta.

E lugar tabata MFA Paradera, pero tambe ta uza MFA Noord y Savaneta. E temanan tabata eo. duna y ricibi compliment, me time y biba den presente.

E praatgroep a nace algun tempo pasa ora cu Lissette, cu ta un trahado social cu mas cu 25 aña di experiencia na Hulanda, a nota cu aki na Aruba tin e necesidad pa hendenan por reuni cu otro y intercambia idea y pensamentonan. Cada persona por siña di otro y por tambe conseha otro pa haci nos mundo miho.

E encuentronan tin un ambiente positivo y e gruponan a bay cas con-

tento. Durante e encuentro di Easter, Lissette y su esposo Sandy, den forma creativo, a trece frase- y preguntanan cu tabata duna e grupo chens pa pensa y haya mas aprecio pa e bida cu nan tin. Tambe cada participante a ricibi na final un regalo pa hiba cas.

Na number di e grupo mi ta gradici Lissette y esposo pa e entusiasmo cu nan tin y e forma unico di organiza y presenta e praatgroep. Keda pendiente p'e siguiente praatgroep. Pa mas informacion por manda Lissette un mensahe na 561-1774.



Segun Presidente di Parlamento, Marlon Sneek:


Fraccion di MEP ta bay contra articulo 9 y 23 di e ley cu nan mes a traha



ORANJESTAD (AAN): Presidente di Parlamento, Marlon Sneek, ta lamenta cu Fraccion di MEP keto bay ta CC carta pa Gobernador Alfonso Boekhoudt cada rato. Den e caso aki, e ta referi na un carta cu Fraccion di MEP a manda mas di un biaha pa su persona, pa pidi un verslag di e screening di Minister Plenipotenciario na Hulanda señora Milly Schwegel.

Segun Presidente di Parlamento Sneek, Fraccion di MEP ta cuestiona di con Parlamento ainda no a haya e verslag aki, refiriendo na articulo 9 di e Landsverordening Integriteit (kandidaat-) ministers.

Den e caso aki, e presidente di Parlamento a remarca cu Fraccion di MEP si a haya un contesta di




Gobernador riba nan carta specifico aki na unda cu Gobernador a indica cu basa riba e Landsverordening integriteit ministers, no tin ningun obligacion pa manda Parlamento un informe di screening di Minister Plenipotenciario.

Gobernador a señala tambe cu si haci esaki, incluso por bay contra ley

basa riba e mesun articulo 9 di e ley di screening di e Landsverordening integriteit ministers. Cu esaki, segun Sneek, Fraccion di MEP ta pidi Gobernador pa haci algo contra ley.

Den su carta na Fraccion di MEP, Gobernador ta indica cu articulo 9 ta stipula cu e resultadonan di investigacion, e contenido nan di conbersacionnan y correspondencia entre for-



mador y candidato ta confidencial y solamente por haci mencion di esakinan na Gobernador. Ademas, Gobernador a sigui splica, cu segun articulo 23 di e Landsverordening, no por divulga e conbersacionnan aki, of parti di esaki of di e screening na Parlamento. Esaki ta un violacion contra e articulo aki.

“Atrobe Fraccion di MEP ta purba di bruha tera, man-

da carta pa loco y ata nan a haya nan contesta di loke nan ta manda puntra ta bay contra nan mesun ley cu nan a traha cu ta indica si manda e informacionnan aki pa Parlamento, ta bay contra articulo 9 y 23. MEP ta bon pa crea desordo enbes di haci nan trabao”, Presidente di Parlamento Marlon Sneek a bisa na final di un entrevista recien cu DIARIO.

Nurys contento cu su premio di 12.500 di Zodiac



ORANJESTAD (AAN): Recientemente Nurys a cumpra ticketnan pa sorteo di Zodiac, uzando su numbertan di suerte. Despues el a bin nota cu e numbertan ey a sali tambe. Pa tal motibo el a acudi na oficina di Lotto pa reclama su premio. Aki e funcionaria a revisa su ticket, y e computer a confirma cu Nurys a gana e premio di 12.500 Florin cu e sorteo di Zodiac.

Asina a sigui cu e proceso unda a transferi electronicamente e premio pa su cuenta di banco. Nurys a indica cu e ticket ganador el a cumpra na Sand-Rock Lottery.

Bulto cu 40 paki di marihuana haya na beach Venezolano como 36 km zuid di Aruba

ORANJESTAD (AAN): Tabata riba Diaranson 8 di April 2026 den oranan di marduga, na momento cu oficialnan di Division Anti-Droga di Polis Nacional Bolivariana tabata patruya y vigila diferente beach na municipio Falcon riba peninsula di Paraguana, nan a bin dal den un ‘bingo’. Na e asina yama Playa Yaima, cu ta den area di Las Cumara-guas (como 19 km Zuidwest di Cabo San Roman), nan a bin topa cu bulto grandi multi-color sospechoso. Ora cu a bay habri e bulto aki, a bin haya 40 paki yena cu droga aden.

E beach aki ta situa como 36 km exactamente zuid di Baby Beach (Aruba).

Nan a haci un chekeo, y e droga ta marihuana. El a yega na un peso di aproximada-



mente 20 kilo.

Secretario di Siguridad di Ciudadano, General Miguel Morales Miranda, hunto cu e Comandante di Polis Nacional Bolivariana di Falcon, esta Comandante Francisco Tapia Sandoval, a bisa cu nan a descubri e droga aki den oranan di marduga. No a topa cu ningun hende den cercania.

E caso a wordo pasa pa Ministerio Publico pa sigui cu e investigacion. No ta conoci si acaso ta hende a sconde e bulto aki eyan, of si acaso e bulto a djis spula for di lama y pega eyan na Playa Yaima.

Fraccion di MEP ta indica:

A mira awor con presion poni cerca Gobernador a yuda

ORANJESTAD (AAN): E situacion mundial actual ta sigui crea hopi incertidumbre, y esaki ta tin un impacto directo riba nos comunidad na Aruba. E subida continuo den costo di bida ta pone presion riba cada cas, cada familia, y cada empresa.

Despues cu e conflicto na Iran a cuminsa dia 3 di maart, Fraccion di MEP a actua cu rapidez y responsabilidad, mandando un carta extenso y bon argumenta pa pidi un reunion urgente cu e minister di economia. E meta tabata cla: busca claridad, orien-

tacion y mas importante ainda, accion concreto pa proteha nos pueblo contra e impacto di e guerra.

Lamentablemente nos a constata cu e minister no a musta e urgencia cu e situacion ta exige. Mientras cu e preocupacion den comunidad a sigui crece, e minister tabata ocupa cu otro actividadnan, incluyendo biahe, sin atende cu e gravedad di e tema aki. Den e conferencia di prensa recientemente nan a toca solamente un aspecto limita, e prijs di gasolin, lagando hopi otro preocupacion-



nan sin contesta. Esaki a laga henter comunidad cu mas pregunta cu contesta, un situacion cu no ta aceptabel den momento di crisis.

Pa e motibo ey, Fraccion di MEP a tuma e siguiente paso responsabel di dirigi un peticion na gobernador, pidiendo su intervencion pa asegura cu e dialogo democratico den Parlamento wordo restableci. Nos ta kere firmemente den e rol di control di Parlamento y den e necesidad pa tene un discusion habri, serio y enfoca riba solucion.

MEP ta satisfecho cu e presion cu nan a pone, a resulta efectivo. Dia 15

april pa 9'or di mainta, finalmente lo tin un reunion den Parlamento dedica na e tema aki. Esaki ta un paso importante den e direccion correcto, pero no ta suficiente pa reuni so. Pueblo di Aruba ta spera y merece solucionnan concreto, sostenibel y cu por wordo implementa rapidamente.

MEP ta invita tur ciudadano pa lesa e peticion, pa keda informa y pa sigui e reunion. Transparencia y participacion ta clave den momento manera esaki. Fraccion di MEP lo sigui insisti riba responsabilidad, liderazgo y accion real.

Ban spera cu e minister finalmente lo presenta medidanan eficaz pa alivia e presion riba nos pueblo, pasobra Aruba no por sigui cu promesanan bashi. Nos merece mihor.

Dahariana Evertsz di DVG tocante campaña 'Cambia bo Slok':

E meta mas importante di e campaña 'Cambia bo Slok' ta pa promove bebemento di awa

ORANJESTAD (AAN): Segun Señora Dahariana Evertsz di Departamento di Salubridad Publico Aruba (DVG), curpa di un persona cu ta dicidi di elimina un habito, por ehempel sucu, tin mester di 9 dia pa 'kick off'. E departamento di salud ta encurasha tur persona cu kier cambia nan habito di uza sucu, pa cuminsa limita of baha man tur dia un tiki di esaki y reemplaza esaki cu algo bon. Esaki ta loke e campaña 'Cambia bo Slok' ta encera.

Señora Evertsz den su splicacion na DIARIO, a remarca cu ta importante pa haci comparacion entre kico ta mas saludabel y accesibel of miho prijs. E campaña di conscientizacion 'Cambia bo Slok' ta hopi detaya y su meta ta pa educa ciudadanonan no solamente pa sa cuanto sucu ta añadi den un bebida, cuanto calorja tin den dje, pero tambe riba e prijs di esaki. Tambe nan ta haci comporacion entre e difer-



encia di un bebida di energia y koffie, y entre juice cu ta contene sucu of juice natural. El a enfatisa, cu pa un persona scoge bon, e mester por wak e diferencia prome.

Sinembargo, e ta enfatisa, cu e meta di mas importante di e campaña 'Cambia bo Slok', ta pa promove bebemento di awa. Bebidanan cu ta contene hopi sucu, contrario na awa, ta deshidrata un hende hopi mas lihe y ta keda haya sed. Mientras si ta bebe awa constantemente, un hende lo no haya sed asina lihe y ta hidrata e

curpa pa un termino mas largo, y ta un opcion hopi mas saludabel y accesibel.

Un otro beneficio, specialmente pa mayornan cu ta bebe hopi awa, nan lo ta un bon ehempel pa nan yiunan of e muchanan rond di nan. "Si nos como mayornan of como adultonan haci e habito di bebe mas awa, nos ta influencia esnan cu ta rond di nos. Esaki ta hacie mas facil pa e transicion di e hobennan y nos muchanan cu ta rond di nos. Esaki lo resulta den un comunidad mas saludabel", señora Evertsz a expresa.

Poesia

Mijn eigen zombie gedicht

Skirbi pa:
Ruthy 'Lady Ruth' Vrieswijk-Bergen

Niks te maken met het weer
Mensen maken vuurwapens in
verschillende landen
Vroeger sport schieten op hert en
beer
Of een vis met een speer
Nu zijn er mensen die steeds maar
meer willen
Meer land, meer geld, meer oor-
log, meer macht

Graag zie ik een kind die lacht,
Mijn hart op zoek naar antwoor-
den en uitleg
De liefde van mede mens
Waar is de grens
De liefde is liefde in pijn
Pijn in liefde
Mijn zombie gedicht mistig in het licht
Het licht die ons moet aanmoedigen goede mensen te bli-
jven

Wanneer kunnen we weer zingen
Vrede op aarde
Zonder de zombie in mijn gedicht?
Zoek jij ook naar het licht?



Ruthy 'Lady Ruth'.
April 2026.

Tres exposicion nobo ta ilumina Sala Safiro na Biblioteca Nacional Aruba

ORANJESTAD (AAN): Biblioteca Nacional Aruba a inicia un periodo nobo di exposicion den Sala Safiro, presentando diferente tema relevante pa comunidad. Yosmar Sneek di Biblioteca Nacional Aruba a remarca cu e exposicionnan den Sala Safiro ta wordo cambia cada 4 luna. Ta trata di tres exposicion chikito, pero cu un contenido rico y educativo. Sala Safiro ta un espacio unda comunidad por reuni, relaha, lesa buki, studia, lesa revista, uza computer y tambe haya mas informacion tocante e exposicionnan y biblioteca mes.

Den e periodo nobo aki, 1 di april te 31 di juli, a cuminsa cu tres exposicion interesante, dos bao encargo di dos trahado di BNA y un di nan ta den e seccion "Cashi di Comunidad", unda lo por haya un exposicion dedica na trayectoria di e reconocido cantante Arubiano Sr. Lloyd Baptist, mihor conoci como "Mr. Happy Hour". E exposi-



cion aki ta muestra su carera, su contribucion na musica y su impacto den cultura local. Tambe ta un introduccion na e exposicion y ta bay tin 15 di mei na Biblioteca Nacio-

nal San Nicolas, Sr. Baptist a indica.

E exposicion di Marlon van der Linden, trahado di BNA, ta enfoca riba e famoso escritora Chileno Isabel Allende,



ganado di Premio Nobel di Literatura. Den e exposicion aki por haya informacion relevante tocante su bida, su obran literario y su influencia den mundo di literatura enfoca den realismo magico.

Banda di esaki, Giselle Lacle, tambe di BNA, ta presenta un exposicion special den conmemoracion di luna di conscientizacion di autismo. E exposicion ta brinda informacion importante pa aumenta comprension y consciencia den comunidad tocante autismo, Fundacion

Autismo, enfatisaando riba kibra tabu, aumenta inclusividad y apoyo. El a laga sa cu e mes tin dos yiu autista y sa biba e dificultanan cu ta confronta aki na Aruba.

Ademas di e tres exposicionnan menciona tin un cashi filio di directora di BNA y tambe tin e cashi cu yama 'Algo Mas', cu e biaha aki ta trece e tema di campamento, Dia di Himno y Bandera y Rey Willem Alexander.

Biblioteca Nacional Aruba ta invita tur hende pa pasa bishita Sala Safiro y admira e exposicionnan nobo cu cada un ta trece un mensahe importante pa comunidad.

Sala Safiro ta habri pa publico dialuna y diaranson di 8:00 am te cu 7:00 pm, diamars, diahuebs y diabierna di 8:00 am te cu 5:00 pm.

Esnan interesa pa participa of uza e espacio "Cashi di Comunidad" por tuma contacto cu Marlon, Giselle of Yosmar na Biblioteca Nacional Aruba.

Elsa a celebra su hubilo di 45 año na CMB Bank

ORANJESTAD (AAN): Recientemente esnan di CMB Bank a tuma un momento recien pa honra Elsa Thielman-Rasmijn, kende a recorda e echo cu 45 año pasa el a drenta den servicio di e banco.

For di su comienzo na April 1981 como Utility Clerk, Elsa a crece den diferente funcion durante su trayecto, te cu a yega na posicion di Assistant Manager Bank Card Services, aportando cu su experiencia, liderazgo y compromiso.

Gerencia ta masha agradecido pa tur loke Elsa a aporta na CMB durante e 45 año aki. Su trayecto ta un ehempel bunita di lealtad, crecimiento, y profesionalismo.

Durante un ceremonia, a duna hopi pabien na Elsa pa su 45 aniversario di trabao. El a ricibi bunita flor, e acostumbrado envelop, y un pin conmemorativo. Nan ta desea Elsa hopi exito, salud y bendicion.



Parlamentario Shailiny Tromp-Lee:

Union entre Hoofs of Hope y Sensory Gym Aruba ta un experiencia special di Hippoterapia pa muchanan cu autismo



ORANJESTAD (AAN): Durante e actividad Light It Up Colourfull, mi a keda invita pa representantenan di e Fundacion Hoofs of Hope, Zulaika y Amy, pa bishitanan durante nan actividad diasabra ultimo. Tabata un session special di Hippotherapy, caminda a pone den luz e trabao valioso cu e fundacion aki ta realisa den aliansa cu Sensory Gym Aruba.

E cooperacion aki ta enfoca riba e transformacion di bida di nos muchanan cu autismo den aire liber, brindando nan hermentnan unico pa nan desaroyo.

E mainta tabata dedica na e progreso fisico y emocional di e muchanan a traves di e contacto cu cabay. Como invitado di Hoofs of Hope, mi por a presencia di cerca e impacto positivo di e terapia aki.

Un momento masha special tabata e session di training di Joshua, kende a demostra cu hopi focus con e conexion cu e cabay ta yud’e den su concentracion y habilidadnan motorico. Pa Joshua, e tempo dedica na e training aki den e arena ta un paso grandi den su desaroyo personal. Sigur pa mi tabata hopi special di por a experiencia Joshua aai e cabay, bras’e y carisia su cara. Un momento di puro contacto, caminda mi por a mira e alegria cu Joshua tabata sinti.

E sessionnan di Hippotherapy ta consisti di weganan deportivo ariba e cabaynan pa fortifica e balansa y e siguridad propio. Maske e programa completo ta inclui tambe e parti psychomotorisch unda e muchanan ta baña e cabaynan pa stimula nan sentido di cuidio y empatia, e training di Joshua a resalta pa su determinacion y e conexion cu e



animal durante e movimiento-nan di terapia.

Mi ta hopi contento di por a experiencia e training aki y conoce un tiki mas di cerca ambos organizacion, combersando tambe basta cu Jeanjare di Sensory Gym, kende ta fungi como instructor hunto cu e tres asistentenan di Hoofs of Hope: Amy, Zulaika y Claudia.

“Together we can make a difference, together we’re doing it”, ta e lema cu a resona durante e mainta, recordandonos cu cada session ta un oportunidad nobo pa inclusion y pa duna nos muchanan cu autismo e espacio pa briya.

Pa mas informacion over di e programanan di terapia cu cabay, por tuma contacto cu Hoofs of Hope na e number 742-7079 of cu Sensory Gym na 562-3125.

Mi ta termina cu un palabra di gradicimento na Hoofs of Hope pa e oportunidad brinda y na e mayor di Joshua cu a laga mi presencia, experiencia y saca potret di e session di Joshua. Un danki di curason. Sigur e bishita ta pas den e meta cu mi a pone pa mi mes, pa via comunicado, post y bishitanan, pa duna contenido real na e parti di luna di conscientisacion riba autismo.

Rumbo pa Panama2026

Team Aruba a cuminsa nan biahe pa Weganan Suramericano di Hubentud 2026

ORANJESTAD (AAN): Despues di lunanan largo di preparacion, awo a yega e inicio di TEAMARU su participacion na e IV Weganan Suramericano di Hubentud Panama2026. Manera costumbr, e hefe di mision ta sali prome pa asina prepara tur cos pa ricibi e resto di delegacion cu lo yega pa participa na e Weganan basa riba e fechanan stipula pa cada deporte.

Den e caso aki, e “Chef de Mission” Jonathan Wever ta rumbo pa Panama, hunto cu e Directora Tecnico Monica Fajardo pa asina participa den e “Delegation Registration Meeting” (DRM) y prepara tur logistica necesario pa e resto di Team Aruba. Cu esaki DIARIO ta duna comienzo na Aruba su participacion na Panama2026, asina ta keda pendiente pa tur updates.



Kiwanis Club of San Nicolas a yuda muchanan traha Fli



ORANJESTAD (AAN): Durante weekend pasa den Semana Santa, e organizacion Kiwanis Club of San Nicolas a organiza un actividad special pa uni creatividad, conexion, y hobennan hunto.

Durante esaki, a dicidi na yuda e mucha- y hobennan crea nan mesun Fli. Cu yudansa di algun experto, nan a siña con pa crea e structura basico di Fli, sigui pa e forma con ta lora liña rond di e speilonan poni corectamente, sigui pa pega papel di Fi, con pa traha tom, tambe pone un ronkio, y con ta prepara tela pa pone como rabo.

Despues di a traha e Fli, hunto cu esnan di Kiwanis Club of San Nicolas a subi veld pa asina hisa y bula nan tambe.

Wolter a gana bon placa cu sorteo di Zodiac



ORANJESTAD (AAN): Recien Wolter a cumpra su numbertan pa sorteo di Zodiac Merdia. Y el a bira feliz pa mira cu e numbertan a sali tambe.

Pesey recien el a acudi na oficina di Lotto pa reclama su premio. Aki e funcionaria a revisa su ticket, y ora di scan e barcode, computer a confirma cu Wolter a gana 12.500 Florin cu Zodiac Merdia.

Mesora a sigui cu e proceso pa transferi e premio electronicamente pa su cuenta di banco. Wolter a indica cu e ticket ganador mes a wordo cumpra na Lucky 77.



MEGA WEEKEND EVENT

APRIL 10TH & 11TH 2026
9AM - 6PM

2 FREE INSTALLMENTS PLUS FREE DELIVERY WITH CREDIT PURCHASE

SHOP WITH DRINKS, SNACKS
MUSIC ENTERTAINMENT AND
SPECIAL DISCOUNTS!

CONDITIONS APPLY.



569-2407
AMC EAGLE MEGASTORE

SAVE AWG. 70



QUATTRO
RECTANGULAR GRIDDLE 20
26CM FRYPAN
3 PCS SET
QTTCA010

NOW AWG. 59,99
WAS AWG. 129,99



ACER
27" ACER NITRO CURVED
FULL HD MONITOR
HDMI PORT GAMING - 2
UM.NE0AA.201

AWG. 499,99 **MONTHLY AWG. 40**

SAVE AWG. 100



TCL
POWERFUL SOUND PARTY SPEAKER
BLUETOOTH - WIRELESS - BLACK
TP300K

NOW AWG. 599
WAS AWG. 699
MONTHLY AWG. 55

SAVE AWG. 140



PANASONIC
WIRELESS SPEAKERS SYSTEM
SC-TMAX45PUK

NOW AWG. 659
WAS AWG. 799
MONTHLY AWG. 65

SAVE AWG. 180



WHIRLPOOL
OVEN GAS - 24" B/I - 110 V-2200 WATTS - BLACK
HOBNO W0A105F

NOW AWG. 959,99 **MONTHLY AWG. 95**
WAS AWG. 1139,99

SAVE AWG. 200



DRIJA
BUILT IN OVEN - 24" - 110V - BLACK
OCEANIA60GAS

NOW AWG. 1099,99 **MONTHLY AWG. 109**
WAS AWG. 1299,99



Un paso strategico pa fortifica seguridad di Aruba

Minister Arthur Dowers a haci bishita na Politieacademie Ossendrecht



Leonard Kok y coordinador pa Caribe Jan Willem Ruts.

E bishita aki ta forma parti di un acercamento strategico pa sigui mehora capacidad institucional y operacional di Aruba riba tereno di seguridad. Durante e encuentro, Minister Dowers a ricibi un presentacion riba diferente programa di formacion avansa cu ta central den maneho moderno di crisis y aplicacion di ley.

Entre e tema principalnan tabata SGB0 (Staf Grootchalig en Bijzonder Optreden), un sistema di coordinacion pa situacionnan grandi y compleho; IBT (Integrale



Beroepsvaardigheden Training), enfoca riba situacionnan practico y tuma decision bao di presion; y tambe IBT Virtual Reality, un innovacion tecnologico cu ta permiti entrenamiento realistico den un ambiente controla.

E ubicacion di Ossendrecht ta un di e centronan mas importante di Politieacademie, specialisa den entrenamiento tactico, uzo di forsa y simulacion di situacion realistico. Aki, profesionalnan di seguridad ta haya oportunidad pa desaroya competencianan esencial den un ambiente cu ta combina teoria cu practica, cu



enfoca riba reaccion rapido, colaboracion y liderazgo.

Minister Dowers a enfatisa cu e bishita aki ta resultado directo di un agenda yena cu reunionnan importante, enfocando riba fortalecimiento di cooperacion den Reino y intercambio di conocimiento. Nos ta biba den un tempo unda retonan di seguridad ta birando mas compleho. Pa Aruba por mantene su tranquilidad, mester inverti den conocimiento, innovacion y colaboracion strategico.

E encuentro a subraya e importancia di integracion di tecnologia den entrenamiento

moderno, caminda Virtual Reality ta hunga un rol clave den prepara personal pa situacionnan critico sin riesgo real. E tipo di innovacion aki ta habri caminda pa un modelo di entrenamiento mas efectivo, realistico y orienta riba resultado.

Cu e bishita aki, Minister Dowers ta reafirma su compromiso cu un sistema di seguridad moderno, profesional y sostenibel. Ta importante pa continua cu inversion den e capital humano, fortifica estructura institucional, y crea alianza strategico pa garantisa seguridad y estabilidad pa comunidad.



RESULTADO DI SORTEONAN PA CORTESIA DI CADENA ALEXANDER

DIABIerna 10 APRIL 2026

DIARIO	KORSOU	CATACHI	ZODIAC																		
1626 7539 5919	6503 9073 9860	<table border="1"> <tr><th>MERDIA</th><th>ANOCHI</th></tr> <tr><td>4163</td><td>2519</td></tr> <tr><td>4602</td><td>8028</td></tr> <tr><td>0571</td><td>8980</td></tr> <tr><th colspan="2">MULTI- X</th></tr> <tr><th>FP</th><th>X2</th></tr> </table>	MERDIA	ANOCHI	4163	2519	4602	8028	0571	8980	MULTI- X		FP	X2	<table border="1"> <tr><th>MERDIA</th></tr> <tr><td>4214</td></tr> <tr><td>TAURO</td></tr> <tr><th>ANOCHI</th></tr> <tr><td>7181</td></tr> <tr><td>ARIES</td></tr> </table>	MERDIA	4214	TAURO	ANOCHI	7181	ARIES
MERDIA	ANOCHI																				
4163	2519																				
4602	8028																				
0571	8980																				
MULTI- X																					
FP	X2																				
MERDIA																					
4214																					
TAURO																					
ANOCHI																					
7181																					
ARIES																					
LOFF	LUCKY 3	BIG 4	SUPER 4																		
<table border="1"> <tr><th>MERDIA</th><th>ANOCHI</th></tr> <tr><td>6535</td><td>6545</td></tr> </table>	MERDIA	ANOCHI	6535	6545	<table border="1"> <tr><th>MERDIA</th><th>ANOCHI</th></tr> <tr><td>830</td><td>195</td></tr> <tr><td>X2</td><td>X2</td></tr> </table>	MERDIA	ANOCHI	830	195	X2	X2	<table border="1"> <tr><th>MERDIA</th><th>ANOCHI</th></tr> <tr><td>1815</td><td>7555</td></tr> <tr><td>X2</td><td>FP</td></tr> </table>	MERDIA	ANOCHI	1815	7555	X2	FP	2589		
MERDIA	ANOCHI																				
6535	6545																				
MERDIA	ANOCHI																				
830	195																				
X2	X2																				
MERDIA	ANOCHI																				
1815	7555																				
X2	FP																				
 02-08-09-14-30																					

BUSCA PALABRA

O T N E M A C N A R X N
V I S I B I L I D A D O
N T F N A P F I L I L T
T O O E E L A V L F A N
A E N O I N T F N T E E
E R T T N O O I R X E M
B M A N T T C E T M X A
E A X E S R L R L R E L
L X E I S A E A O B O P
A I R B L M L A X R C U
D M S S O N R N T C R S
B O X X E F F E L M D T
T N O I S E R P A N L N
B O O N A N A I B U N O

Biento	Extremo	Suplemento	Stof
Rancamento	Bela	Presion	Fli
Nubianan	Visibilidad	Maximo	Alerta

> SUDOKU <

Conceptis Sudoku By Dave Green

7	3		2		8	9		5
					5			6
2								
3	9							7
				2				
8							3	9
								4
9			7					
4		6	3		2		5	1

Difficulty Level ★★★★★ 3/11



Hari Un Tiki

Un automobilista riba Diaranson mainta a yega cu su auto deportivo italiano clasico Lamborghini Murcielago cu tin un motor V-12 di 6.5-liter cu ta hopi potente y por core masha rapido mes.

E biaha aki el a dicidi cu e mes ta bay yena e tanki di su Lamborghini uzando Gasolin Unleaded Premium y ora el a mira riba e pomp di Gasolin, tin poni cu prijs ta e momento ey na 8,00 Florin pa liter.

El a kita e tapadera di tanki di Gasolin, a pone e slang y asina a cuminza yena combustibel.

Un minuut a pasa. Despues tres. Despues cinco. Pero keto bay e pomp ta sigui traha pa yena Gasolin.

Un tiki confundi, e automobilista a bira rond, y a nota un trahador di e Gasoline Station.

El a core puntr'e:

-"Hey, abo sa pakico e tanki di mi Lamborghini no kier yena mes?"

E trahador a contest'e:

-"Purba paga e motor di bo Lamborghini...."

Solucion Anterior

9	7	8	2	5	1	4	6	3
4	3	2	8	6	7	9	1	5
1	5	6	9	3	4	7	2	8
2	8	7	1	9	3	6	5	4
6	1	4	7	2	5	8	3	9
3	9	5	4	8	6	2	7	1
7	2	1	5	4	8	3	9	6
8	6	9	3	1	2	5	4	7
5	4	3	6	7	9	1	8	2

Difficulty Level ★★★ 3/10



Mini Mega

Diabierna 10 April 2026
Sorteo# 1860

13

20

23

28

...Mega Ball: 12

1^{er} Premio: Tin 0 ganador Jackpot
2^{do} Premio: Tin 2 ganador Match 4
3^{er} Premio: Tin 9 ganador Afl. 500,00
4^{to} Premio: Tin 205 ganador di Afl. 50,00
5^{er} Premio: Tin 270 ganador di Afl. 15,00

Jackpot pa e proximo Sorteo di Mini Mega 14 April 2026
Afl. 750.000,- MEGA PLUS Afl. 1.175.000,-

EMERGENCIA NA ARUBA

Weekend 11 y 12 April 2026

DOCTER NA WARDA

SAN NICOLAS:
Pa San Nicolas, Docter ta na H.A.P. ImSan.
Den weekend di 9:00 am pa 1:00 pm, y di 6:00 pm te cu 10:00 pm.

ORANJESTAD:
Pa Oranjestad, Docter lo ta na Huisartsenpost na Hospital.
Den weekend di 9:00 am pa 1:00 p.m. y di 6:00 p.m. pa 10:00 p.m.

BOTICA NA WARDA

Info cortesia: www.iva.aw

PARIBA DI BRUG:
Botica Sero Preto NV
Weg Sero Preto 25
Telefon 584-4833
Fax: 584-2500

PABAO DI BRUG:
Botica Oduber NV
Caya Betico Croes 103
Telefon 582-1780

DENTISTA NA WARDA

Weekend 11 y 12 April 2026



— 11 + 12 April 2026 —
Dr. Jimena Eraso,
Caya Dr. J.E.M. Arends 27.
Telefon: 280-9850

ATENCION: Diasabra y Diadomingo, Dentista na warda lo ta merdia na clinica di 12'or pa 1'or. Bo tin di paga 125 Florin pa consulta. Procedimentonan manera ranca djente lo costa extra.



ALMANAC



Lista di Crusero di bishita na Aruba



Bahada y salida di solo na Aruba

—11 April 2026
Solo ta baha: 6:52 p.m.

—12 April 2026
Solo ta sali: 6:30 a.m.
Solo ta baha: 6:52 p.m.

—13 April 2026
Solo ta sali: 6:29 a.m.
Solo ta baha: 6:52 p.m.

—Diabierna 10 Apr. 2026:
Norwegian Jewel:
(11:00 - 20:00)

—Diamars 14 Apr. 2026:
Carnival Horizon:
(08:00 - 22:00)

Norwegian Epic:
(08:00 - 17:00)

—Diaranson 15 Apr. 2026:
Brilliance of the Seas:
(08:00 - 23:00)

Serenade of the Seas:

President Marlon Sneek di Parlamento cu resumen di reunionnan cu lo tuma luga den Parlamento otro siman

ORANJESTAD (AAN): Presidente di Parlamento Marlon Sneek recientemente a duna un relato di algun reunion cu lo tuma luga otro siman den Parlamento. E prome lo tuma luga dialuna dia 13 di april, na unda cu Minister Arthur Dowers lo ta den Parlamento riba e topico AWSS. E situacion actual y e desaroyonan cu ta andando.

Lo hiba debate tambe riba e situacion di Parkietenbos na unda cu tin hopi keho di e barrio cu ta mal contento cu e holor basta desagradabel di desechonan humano. Tambe lo duna cuenta riba e situacion y casonan



den corte cu hotelnan a entama contra Gobierno pa motibo di mal holor den nan area.

Diamars dia 14, Secretario di Estado di Reino Eric van der Burg lo ta den Parlamento pa 9 or di mainta, na unda Parlamento lo hiba dialogo riba diferente topico, entre otro e ley di Reino

Hofa. Tambe Parlamento lo tin riba e diamars aki un presidium pa debati riba e temanan di agenda pa e siguiente IPKO cu lo tuma luga na juli proximo na Hulanda.

Riba diahuebs 16, Minister di Husticia Arthur Dowers lo ta un biaha mas den Parlamento riba e tema di e refinaria

despues di e desaroyonan cu a tuma luga na Venezuela y mirando cu gobierno di Merca a informa cu nan kier yuda Venezuela pa nan yega na optimalisacion y produccion mas halto.

Fraccion di MEP a entrega un motion na unda cu ta pidi pa Gobierno haci su maximo esfuerzo pa wak kico por haci cu e refinaria, sea habrie bek of uz'e pa almacenahe basa riba esaki. Minister Dowers lo duna un update riba e desaroyonan cu a tuma luga durante e periodo ey te cu awo y riba e posibilidadnan pa

cu refinaria.

E siguiente reunion den Parlamento lo ta diabierna 17 pa 9 or di mainta pa un kennismaking cu Minister Plenipotenciario na Hulanda, señora Milly Schwengle.

E reunionnan aki den Parlamento ta muestra cu Aruba ta enfrentando varios reto importante, manera AWSS, e problema di holor na Parkietenbos y futuro di refinaria. E debatenan lo ta clave pa busca solucionnan concreto cu por mehora calidad di bida y duna direccion pa desaroyo sostenibel.

Wingo lo cuminsa bula na Juli 2026 di Aruba pa Barranquilla



ORANJESTAD (AAN): Aruba ta sigui fortalece su red di conectividad aereo regional cu e anuncio di un ruta di temporada nobo opera pa Wingo, cu lo conecta Aruba directamente cu Barranquilla, Colombia, a traves di Aeropuerto Internacional Ernesto Cortis-Soz.

E ruta lo cuminsa opera dia 9 di juli y lo ta disponible temporalmente durante temporada halto cu dos vuelo semanal riba diahuebs y diadomingo. E conexion nobo aki ta amplia e opcionnan di biahe pa e residentenan di Aruba y ta facilita e yegada di bishitantenan for di Colombia, ofreciendo oportu-

nidadnan turistico como comercial.

“Wingo ta fortalece e conectividad entre Aruba y Colombia, beneficiando tanto nos localnan como tambe e bishitantenan internacional. E apertura di e ruta di temporada aki entre Barranquilla y Aruba ta reenforza e strategia di Aruba Tourism Authority (A.T.A.), cu ta busca pa beneficia e comunidad di Aruba door di brinda e opcionnan di biahe y conexion den e region, mientras tambe ta promove e diversificacion di e mercado primario na Latino America”, asina Ronella Croes, CEO di A.T.A. a expresa.

“E lansamento di e servi-

cio di temporada nobo aki entre Barranquilla y Aruba ta representa un paso importante pa fortalece nos conectividad regional y amplia acceso na nos isla. Na Aruba Airport Authority N.V. (AAA), nos ta keda comprometí pa traha estrechamente cu nos partnernan di aerolinea pa crea oportunidadnan nobo cu ta beneficia nos comunidad, stimula crecimiento economico y mehora e experiencia di biahe en general pa nos pasaheronan. Nos ta contento di por yama bonbini na e expansion continuo di Wingo y ta ansioso pa e impacto positivo cu e ruta aki lo aporta pa ambos mercado”, tabata expresion di Jonny Andersen, CEO di AAA.

Cu e ruta nobo aki, Aruba ta refirma su compromiso pa ofrece experiencianan unico, accesibel y responsable, impulsando su posicion como un destinacion cu ta combina bienestar, cultura y turismo di calidad pa tur su bishitantenan.

Columna E Sembrado



Diasabra 11 april. Di prome siman di Pasco di Resurreccion aña 2026 Ciclo A

Calendario Liturgico

Lectura: Echonan 4, 13-21;
Salmo: 118;
Evangelio: Marco 16, 9-15;

“E ora ey nan a yama Pedro y Huan y prohibi nan pa den ningun forma papia of siña hende den number di Hesus.” Echonan 4,18

Aunke e tempo ey e Consejo Supremo kier a impedi e apostelnan pa papia of siña hende den number di Hesus, nan no a logra pasobra e apostelnan tawata yena cu Spirito Santo cu a duna nan e conviccion cu tin poder den e number di Hesus. E apostelnan a muestra nan confiansa den e promesa di Hesus cu a bisa nan cu kico nan puntra Dios Tata den number di djE, Dios Tata lo duna nan. Cu curashi nan a cumpli cu e mandato cu Hesus a duna nan di bay plama Su resurreccion na henter mundo. Nos tambe pa medio di nos bautismo ta yama pa plama e Bon Noticia di Hesus na tur hende. Ban anto nos tambe invoca e number di Hesus den tur locual nos ta haci sea den palabra of den accion. Cu yudansa di Spirito Santo nos por kere firmemente cu tin mas poder den e number santo di Hesus cu tur e forsanan di maldad combina!

Oracion: Tata Santo, aumenta nos fe y speransa den e poder di e resurreccion di Hesus. Duna nos goso y curashi pa duna testimonio na otronan di tur locual Hesus a haci pa nos salvacion. Esaki nos ta pidi Bo den e number precioso y poderoso di Cristo Hesus, nos Señor. Amen.

Grupo Centro Pastoral Aruba

Observacion

Traha maneho pa futuro

Skirbi pa: Quito Nicolaas

Si bo ta encarga na un departamento pa traha maneho, ta bon pa tene cuenta cu e siguiente aspectonan. Pa cuminsa ta na su luga pa tira un bista riba e cifras disponibel via CBS. Por ehempel si bo tin un encargo pa formula un maneho pa stimula e participacion di hende muhe riba mercado laboral, lo siguiente. Na prome lugar wak con e aumento di e sexo femenino lo ta den e proximo añanan y fiha pa bo mes cuanto e aumento tabata den p.e. un decada. Busca pa haya sa den cua sector mayoria di hende muhe actualmente ta aloca.

Enseñanza:

Cu tempo e cantidad di hobennan cu ta den enseñanza no solamente a aumenta, pero por constata un cambio tambe, den sentido cu hopi ta esnan cu ta persigui un carera superior compara cu esnan den pasado. Cu otro palabra si den pasado nos hobennan tabata limita nan mes na scohe pa un trabao na nivel di mbo, awendia esaki a cambia pa HBO. Awor un di e prome retoran ta pa wak cuanto funcion/cupo di trabao existente, ta cualifica pa e hobennan?

Tambe den cuanto aña mester bin un reemplazo di esnan cu ta na timon actualmente. Akinan mester tene cuenta cu otro factornan tambe, manera e.o. e tasa di mortalidad. Acerca mester tene cuenta cu e cantidad di alumnonan cu anualmente ta caba scol secundario (Mavo of Havo) y ta prefera di bay traha. Kico esaki ta nifica pa esnan sinta na cas sin perspectiva di sigui un estudio of opta pa pa bay traha.

Mercado laboral:

Un di e prome tareanan ta pa visualisa e necesidad di e cantidad di persona cu mester di dje pa traha den cada sector. Un banda mester percura pa tin datosnan existente, cu por corela cu esnan di Censo, cual ta tuma luga cada pasa 10 aña. Den esey e economia di un pais ta hopi cambiante, kier men cu p.e. pa e decada 2040 nos mester di cierto profesionalnan pa haci cierto trabao y cu mester entrena of stimula esnan cu ta interesa den e ramo aki. Naturalmente cu e economia di un pais - pa con chikito cu esaki ta - ta keda cambia y pa cada decada e necesidadnan ta diferente y kisas mas halto.

Ta pesey mes mi mester haci un proyeccion - kisas mas cu un proyeccion ta necesario - pa tira un bista den futuro y wak con e situacion lo mehora of empeora. Con tal cu nos sa cu e economia ta cambia - y segun e desaroyo tecnologico - no solamente e demanda na experticio pero e necesidad y utilidad ta rekeri esaki tambe. Por ehempel e rijnan largo na oficina di Gobierno, mester pertenece na pasado si cada persona mes por cana yega y swipe su carchi di identidad. Di e manera aki por evita expertonan di pafu, cu ta costa yen di placa, mientras nan no conoce e situacion local.

Cultura:

E cultura di un pais semper ta cambiando. Si antes tabata asina cu hende muhe no tabata haci cierto tipo di trabao, awendia bo por wak hende muhe den casi tur sector di famia. Ta bon pa fiha den e caso aki tambe riba e tasa di divorcio, pa wak si mester crea cuponan di trabao adicional pa esnan cu no ta formando un famia nucleo mas. Y trata na haci un proyeccion pa aki 25 - 50 aña. Si antes e dama tabata soporta cu su casa ta yega cas burachi si niun placa, awendia esaki no ta e caso mas.

Den esaki por pensa tambe riba cierto incentivanan pa cu e banconan, pa canalisa e un ke otro na procesonan. En todo caso mester tene cuenta cu e cultura di awendia, lo no ta e mesun cos den futuro. Esei nos por ripara na e actitud di e hobennan caba. Nan tambe ke tin algo di bisa en cuanto e economia di e famia. Y ta bon tambe, debi cu asina nan ta cuminsa carga responsabilidad financiero pa cu nan mes y pa e famia cu nan ta pertenece na dje. Y ta nan mes lo mester ta e expertonan den futuro cu ta reemplaza esnan di exterior.

Consumidornan:

Esnan cu ta emplea personal pa traha, tambe ta haci su calculacion pa kende producto x of y ta ser bendi. Den e negoshi mester percura pa duna mas tanto info corecto, asina cu e consumidor por haci un evaluacion pa su mes si e ta cumpra si of no.

E tempo cu ta bende un articulo, cu e consumidor ta cumpra y asina el'a bistie un biaha el a kibra, ta pertenece na pasado. Mester garantiza e calidad di e producto cu bo ta cumpra y mester crea posibilidadnan unda e consumidor por haci uzo di su derecho, den caso cu esaki ta evidente.

Na Aruba nos ta topa delaster un tipo di organizacionnan riba terneo di deporte, social y recreativo y hasta pa consumidornan. E ultimo aki ta tene e prijs di supermercadonan na bista. Con leu e supermercado- y e groceries ta haci esaki ta keda un pregunta. Unda Gobierno mes ta para akinan cu su maneho di prijs pa articulonan di consumo???

Resumen:

Aruba mester keda un paraiso pa un y tur y no solamente pa e turista. Den esaki nos tin di adapta nos manera di pensa y di percepia e realidad. No depende di gobierno si bo no tin trabao, lanta riba y busca of crea bo mesun trabao. Of tuma medida: si gasolin ta birando caro, baha man cu coremento di auto pa cada cos chikito.

Cu otro palabra si bo por cana e pida caminda pa bay e carniceria of supermercado, hacie debi cu canamento ta saludabel. Y por fabor no duna otro falta si abo mes por haci un cambio.

Cu mester bin cambio, ta sigur. Pero no lubida cu nos ta un economia chikito cu ta depende di otro, nos sueldonan ta demasiado halto y e productividad ta mediano. Ban percura pa supervisa e mercado, door di introduci organizacionnan cu ta tira bista riba e desaroyonan aki.



Endy Croes papiando di dictadura den Parlamento

Gobernador a ranca oreo di Marlon Sneek pa sconde reunionnan di Pueblo



ORANJESTAD (AAN): Durante un recien conferencia di prensa, Parlamentario Endy Croes a baha pisa riba e "Parlamentarionan di Panlefi" di AVP. Croes a desmascara con e fraccion di AVP-Futuro ta keda ridiculo, wardando riba Hulandesnan di Raad van State pa dicta nan opinion riba HOFA, pasobra nan mes no tin "weso di lomba" pa defende Aruba.

Presidente "Remote Control" y e secuestro di Parlamento: Croes a splica cu Parlamento di Aruba simplemente no ta funciona debidamente bou di mando di Marlon Sneek. "Marlon Sneek ta traha riba remote control. Mike Eman ta esun cu ta primi e boton y Marlon ta obedece," Croes a sentencia.

E prueba di mas grandi di e secuestro aki ta e carta di 13 sindicato cu tin for di october 2025 ta pidi un reunion riba e tema di HOFA. Pasobra e sindicatonan ta contra e ley aki, Mike Eman a duna ordo pa sconde e carta y no yama e reunion.

Gobernador a duna Marlon un "sual" merce: Despues di hopi presion di oposicion y un carta oficial manda pa Gobernador di Aruba, porfin e berdad a sali na cla. "Nos a compronde cu Gobernador a manda yama Mar-

lon Sneek aden y a ranca oreo basta formal," Croes a revela.

Segun Articulo 23 di Reglamento di Ordo, e Presidente tin e obligacion di yama un reunion pidi pa 3 miembro dentro di 30 dia. Pero Marlon Sneek a sconde e peticion di e sindicatonan pa 143 dia largo! Ta despues di e "sual" di Gobernador, Sneek a core yama e reunion pa dia 19 di maart ultimo.

Lista di peticionnan di mas di 240 dia bieu: Endy Croes a saca e lista di e reunionnan cu Marlon Sneek tin drumi riba nan: (*) RWZI (AWSS): Peticion for di 3 di juli 2025 (mas di 240 dia bieu).

(*) Desaroyo Petrolero: Peticion for di 12 di januari 2025, cu ainda no a haya atencion.

(*) Sindicatonan: 143 dia pa atende un preocupacion nacional.

Croes a termina mandando un advertencia cla pa e Presidente di Parlamento: "Democracia mester wordo respeta. Bo meta ta pa sirbi pueblo, no pa sirbi Mike Eman tras di cortina."

Despues di e sual di Gobernador, awor diripiente Sneek a cuminsa programa reunionnan pa luna di april. "Haci drechi, pasobra tin hopi wowo ta wak bo y esnan rond di bo!"

DEPORTE INTERNACIONAL

Bogaerts a bati un grand slam pa yuda Padres laga Rockies den tereno



SAN DIEGO: Diahuebs anochi Xander Bogaerts a bira e heroe di San Diego Padres, ora cu den di 12 inning el a dal un grand slam cu e wegá empata 3-3, pa duna su ekipo un victoria di 7-3 riba Colorado Rockies.

Cu e triunfo aki Padres a para e rachá di 4 victoria consecutivo di Rockies.

Cu e conteo di 1 bola y 0 strike e Arubiano a dal e homerun contra Valente Bellozo.

Tabata e di 9 grand slam den e

carera di Bogaerts.

Na final el a caba cu 2 hit den 6 turno y 4 careda impulsa.

Den di 11 inning Brett Sullivan a bati un doblete pa duna Colorado un bentaha di 3-2, pero Luis Campusano a bati un doblete cu dos out pa empata e wegá pa Padres, despues di cual Bogaerts den di 12 inning a gana e wegá.

Mihor bateador pa Rockies tabata Edouard Julien cu 2 hit den 3 turno, mientras cu Ezequiel Tovar a contribui cu 2 hit.

LeBron a yuda Lakers gana Warriors cu tabata sin Stephen Curry



SAN FRANCISCO: Diahuebs anochi Los Angeles Lakers a logra un triunfo importante den nan intencion di no cay bao di e di 4 lugar den Western Conference.

Lakers a probecha di e hecho cu strea di Golden State Warriors Stephen Curry no por a hunga y na final nan a gana e wegá 119-103.

LeBron James tabata maximo anotador pa Lakers cu 26 punto, 11 asistencia y 8 rebounds, mientras cu Jake LaRavia a contribui cu 16

punto y 7 rebounds.

E parti positivo pa Los Angeles ta cu LaRavia su tironan di 3 punto a cuminsa mehora.

El a anota 4 di su 5 intentonan di 3 punto.

Di otro banda e maximo anotador nan pa Warriors tabata Nate Williamson y Brandin Podziemski, cada un cu 17 punto.

Charles Bassey a contribui pa Golden State cu 12 punto y 13 rebounds.

Paris FC a sorprende AS Monaco 4-1



PARIS: Hungando na cas Paris FC a sorprende tur hende ora cu nan a logra hunga un tremendo wegá y suta AS Monaco 4-1.

Monaco tabata favorito y a caba cu un posesion di bala di 66%, pero esey no a yuda.

E prome gol di Paris FC a wordo anota pa Jonathan Ikoné den di 4 minuut

caba y apenas 4 minuut despues Ciro Immobile a anota e 2-0.

Ikoé den di 21 minuut a anota e 3-0 pa segura e victoria, mientras cu den di 36 minuut Folarin Balogun a anota e unico gol di wegá pa Monaco.

E ultimo gol di Paris FC a wordo anota pa Luca Koleosho den di 71 minuut.

FC Twente a gana FC Voldendam pa keda stabil na di 4 lugar di Eredivisie



HULANDA: Diabierna FC Twente a logra un triunfo importante den nan lucha pa keda den top 4 di Eredivisie di Hulanda.

Twente a gana e wegá contra FC Volendam 2-1, pa asina keda stabil na di 4 lugar di e campeonato Hulandes cu 53 punto den 30 wegá.

Volendam ta keda na di 14 lugar cu 28 punto.

E prome gol di Twente a wordo anota pa Ruud Nijstad den di 2 minuut caba, mientras cu e 2-0 a wordo anota pa Kristian Hlynsson den di 34 minuut.

Volendam a haya un tiki speranza ora cu den di 74 minuut Nordin Bukala a anota, pero mas leu cu esey nan no a yega.



Noticianan for di Hulanda

Bayena Beluga haya morto na beach na Zeeland



ZEELAND: Riba beach na Kamperland na Zeeland un bayena Beluga a wordo haya morto. Ta trata muy probablemente di e mesun bestia cu un aña anterior a wordo mira na Callantsoog, na e costa Aleman y e costa Belga. Ta e prome Beluga cu a aparece na Hulanda desde 1966. E bayena di alrededor di 3 meter

a wordo haya alrededor di 15.00 Diabierna. Con e Beluga a haya su mes den Noordzee ta un misterio te ainda pa e expertonan. Nan ta pensa cu e bestia a perde orientacion y asina a yega den Noordzee. Awor ta wordo investiga con el a muri.

Chauffeur den caso di asesinato di Peter R. de Vries a wordo hinca na su garganta cu forkí



HULANDA: Den prison di Roermond e preso Kamil E. recientemente a wordo ataca. E chauffeur den e caso di asesinato di Peter R. de Vries a wordo hinca cu forkí na su garganta y awor polis ta investigando e caso. Corant AD a indica cu diferente fuente incluyendo e abogado di E. a confirma e atake y cu e herida cu e preso a sufri tabata basta serio. Pa suerte e forkí no a corta su ader principal. E asina yama Dienst Justitiële In-

richtingen (DJI) debi na privacidad no a menciona nombrenan, pero nan a confirma si cu tabata tin un incidente serio den e prison. Tabata na final di mainta cu diripiente un otro preso a gara Kamil E. di patras y a hinke cu un forkí na su garganta y cabes. Ora cu el a wordo hinca tabata tin bastante sanger. Un dokter a examina e preso despues y apesar di e hecho cu e herida tabata serio, e no mester a wordo interna den hospital.

Cantidad di asina yama 'sacador di droga' cu ta menor di edad a aumenta bastante



HULANDA: E cantidad di persona menor di edad cu ta saca droga for di containernan ('drugsuithalers') e aña cu a pasa a aumenta fuertemente. Unda cu na 2020 ainda 1% di e 'uithalers' deteni tabata menor di edad, aña pasa tabata trata di 22% di e sacadornan di droga cu no a yega edad di 18 aña.

Un uithaler ta un persona cu ta saca droga ilegal for di containernan para den wafnan. Nan ta trata pa organizacionnan criminal y ta purba di saca e droga for di e tereno di waf. Desde 2020 anualmente a gara centenares di e drugsuithalers. Aña pasa di Januari te cu October a detene 83 sacador di droga.

Dobel likidacion na Francia: Hulandes tira mata riba caya den pueblo trankil

FRANCIA: Den un caso di dobel likidacion na Francia un Hulandes di 50 aña di Schiedam a wordo tira mata riba caya, den weekend di Pasco Grandi. Algun ora despues gendarmerie alrededor di 10 kilometer mas leu a topa cu otro victima den un auto completamente kima. "Esaki ta espantoso, mirando cu tur cos a sosode den un pueblo trankil", segun un habitante di e area. E persona cu a wordo kima den e auto ta un homber Frances.



Tur cos a sosode den marduga di Diabierna pa Diasabra di siman pasa, pero ta e siman aki Diabierna cu e noticia a wordo saca. Pa loke ta e Hulandes cu a wordo tira mata, un testigo a bisa cu el a scucha tres tiro, despues di cual el a tende un auto core bay hopi lihe for di e sitio.

Noticia Internacional

IMF ta adverti cu guerra di Medio Oriente lo acelera inflacion y frena crecimiento mundial

Fondo Monetario Internacional (IMF) a adverti cu e guerra den Medio Oriente lo acelera inflacion y frena crecimiento mundial, meymey di incertidumbre economico creciente y prome cu e publicacion di pronosticonan mundial nobo otro siman.

Directora gerente di e organizacion, Kristalina Georgieva, a bisa Reuters cu, sin e conflicto, IMF lo a proyecta un mehoracion den e actividad economico mundial. El a indica cu calculacionnan anterior a pone crecimiento na 3.3% pa 2026 y 3.2% pa 2027.

“Si nos no tabatin e guerra aki, nos lo a mira un leve revision ascendente di nos pronosticonan di crecimiento. A cambio, tur cos awor ta muestra riba prijsnan mas halto y crecimiento mas lento,” el a bisa.

Georgieva a splica cu e impacto di e conflicto ta reflecciona caba den e perspectiva di inflacion y crecimiento. Asta den un escenario di un resolucion rapido, e efecto negativo lo persisti riba e proyeccionnan.

“Asta un fin rapido na e hostilidadnan y un recuperacion basta rapido lo resulta den un revision ‘relativamente chikito’ pa baha na e pronostico di crecimiento y un revision pa subi na e pronostico di inflacion,” el a declara.

E hefe di IMF a adverti cu un guerra prolonga lo empeora e impacto riba economia mundial. “Si e guerra a dura, e efecto riba prijs y actividad economico lo tabata mas grandi,” el a afirma.

Mientras tanto, el a indica cu e organizacion a haya peticion pa ayudo financiero di algun pais afecta pa e situacion internacional, aunke e no a especifica cua. Tambe el a señala cu IMF ta evaluando mecanismonan pa responde na e necesidadnan aki.

“IMF por amplia algun programa di fianza ex-



istente pa cumpli cu e necesidadnan di e paisnan aki,” el a agrega.

Dianan prome, den un documento prepara pa e economista principal di e Fondo y varios departamento interno, e institucion a defini e situacion como “un shock global nobo” cu ta interumpi e recuperacion di e economianan cu tabata cuminsa estabilisa despues di e crisisnan recien. E rapport a adverti cu e paisnan directamente involvi ta sufriendo dañonan di gran alcance na infraestructura y sectornan productivo.

E canal principal pa medio di cua e impacto economico ta wordo transmiti ta e aumento di gastonan di energia. Segun e Agencia Internacional di Energia, e ceramento parcial di e Strait di Hormuz y daño na infraestructura regional a stroba e mercado internacional di petroleo. IMF a señala cu, pa paisnan importador, e aumento di prijs aki ta fungi como impuesto riba entrada nacional.

Mas o menos 30% di produccion mundial di petroleo y 20% di gas natural likido ta pasa den e canal di Hormuz, exponiendo economianan na Africa y Asia. Na Asia y Europa, e importadornan grandi ta carga e peso di e impacto di aumento di gastonan di energia.

E aumento den prijs di energia tambe ta afecta Medio Oriente, Africa, Asia-Pacifico y Latino America. Den e regionnan aki, e gastonan aumenta ta wordo compone pa au-

mento di prijs di cuminda y fertilisante y condicionnan financiero mas estricto. IMF a adverti cu paisnan di entrada abao ta enfrenta riesgonan mas grandi di inseguridad di cuminda.

“Hende den paisnan di entrada abao ta core e riesgo mas grandi ora prijsnan subi,” e organizacion a declarar.

E cadenanen di suministro mundial ta experimentando interrupcionnan. Rutanan di envio ta wordo desvia, aumentando gastonan di transporte y seguro y causa retraso den entrega. Trafico aereo den e centronan di Golfo tambe ta wordo stroba, impactante turismo y comercio internacional. E conflicto tambe ta afecta e comercio de fertilisante, ya cu mas o menos un tercera parti di e suministro mundial ta pasa door di e Strait di Hormuz. E situacion aki ta coincide cu e temporada di plantacion den Hemisferio Norte y ta poniendo presion riba prijs di cuminda.

Riba e tereno financiero, IMF a nota aumento di volatilidad. E mercadonan di accion mundial a cay, e rendimiento di bono a subi, y e condicionnan financiero a bira mas estrecho, aunke sin un benta masivo manera den crisisnan anterior.

E organizacion a enfatisa cu e impacto ta desigual den tur pais. Algun exportado di mercancia ta fortalece nan cuentanan fiscal y externo, mientras cu otronan ta confrontando un presion mas grandi riba nan balansa di pago y e costo di bida.

INTERNACIONAL NOTICIA FOR DI VENEZUELA

COMETE ACTONAN INMORAL CU DOS MUCHA

VALENCIA: Autoridadnan hudicial di Polis Municipal di Naguanagua a detene un ciudadano, pasobra e lo ta involvi den delito di abuso sexual contra dos mucha. E detencion a socede durante un patruyahe preventivo di Polisnan den sector González Plaza na Naguanagua di estado Carabobo. Un boletin di Polis ta bisa cu nan a wordo para a un grupo di ciudadano, kendenan a denuncia e homber di a abusa sexualmente di dos menor di edad. Mirando e acusacion grave, Polis a bay y detene e homber. Comisario di Polis di Naguanagua, Juan Aguilar a bisa cu nan tin un politica di cero tolerancia pa cu e tipo di crimennan aki. “Muchanan no ta mishi cu nan. Nos mester proteha nan y no confia nan cu ningun, pasobra nan ta futuro.” Oficialmente Polis no a divulga number di e homber, tampoco su edad.



MERCA KIZAS TA STOP SANCION RIBA B.C.V.

CARACAS: Gobierno di Merca ta pensando pa kita e sancionnan riba Banco Central de Venezuela pa facilita e fluho di mil mion Dollar cu lo drenta pa mehora e golpi economico di e pais, segun fuentenan a indica. Si nan kita e medida, e lo por permiti cu ganashi di benta di petroleo por circula cu mas libertad den e sistema financiero di Venezuela. Di e forma ey lo restablece un canal clave di divisas despues di hopi aña di restricción cu a isola e pais di sistema bancario global. E plan ta bin den momentonan cu Washington ta busca pa alivia tur bottlenecks economico na Venezuela, cu a wordo genera pa nan mesun schedule di sancionnan. E pagonan pa companianan local cu ta traha pa reactiva produccion di crudo, ta costumbra di keda wanta den accountnan Mericano. Esaki ta socede mientras cu e banconan ta haci verificacion di cumplimiento riba transaccion vinculada cu PDVSA. Sin embargo ningun confirmacion a drenta ni di US Treasury Department di Merca, y tampoco di Ministerio di Informacion di Venezuela.



AMERICAN LO BULA CU AVIONNAN EMBRAER-175

MAIQUETIA: E compania American Airlines ta sigui ta buscando permiso y cumpli cu autoridadnan di Aviacion Civil, pa asina por cuminsa bula bek entre Merca y Venezuela, despues di un ausencia di 7 aña. Nan tin poni pa riba 30 di April 2026 cuminsa cu e prome vuelo entre Miami y Caracas, y nan lo uza avionnan mas chikito, esta Embraer 175 di American Eagle. E vuelonan lo ser haci door di Envoy Airlines, cu ta un sucursal cu ta pertenece na American. Di awor caba American Airlines ta manda gradicimento pa e.o. US Secretary of Transportation, esta Sean Fuddy, tambe US Secretary of State, Marco Rubio, y mas persona na Washington cu ta yudando nan pa por habri bek vuelo entre Merca y Venezuela. Segun American, nan regreso pa Venezuela lo no tabata posibel sin e colaboracion solido aki. E avion Embraer 175 ta un avion di dos clase, y tin Wi-Fi gratis.



Noticia Internacional

Expertonan ta adverti cu Mexico ta confrontando un aumento den remedinan falsifica pa baha peso



Ciudad di Mexico: E demanda mundial creciente pa remedinan pa baha peso basa riba agonistanan di receptor GLP-1, remedinan cu ta regula apetit y glucose, a impulsa un aumento den versionnan falsifica cu ya ta circulando den casi 60 pais, incluyendo Mexico, expertonan y organisacionnan internacional ta adverti.

Estudionan y informenan recien di Organizacion Mundial di Salud ta documenta e expansion di e productonan iregular aki, un tendencia cu, segun specialistanan, lo por intensifica cu caducacion di patente y entrada di versionnan generico den mercadonan manera Mexico, India, Turkia y Brazil.

“Acceso lo expande rapi-

damente, pero e lo conduci tambe na un aumento sin precedente den productionan falsifica,” Hagen Weiss, director di e firma di verificacion CellX, a adverti den un entrevista cu EFE. El a adverti cu “den algun siman, casi 40% di e poblacion mundial lo tin acceso na versionnan generico legitimo.”

Ademas di e riesgonan di fraude, e Comision Federal pa Proteccion contra Riesgonan Sanitario (Cofepris) di Mexico a adverti riba e peligernan di auto-medificacion cu agonistanan di GLP-1 sin supervision medico.

E autoridad di salud a enfatisa cu e uso descontrola di semaglutide y liraglutide—e ingredientenan activo den e remedinan

aki—por causa nausea, sacramento, diarea, daño na nir, mareo y tachycardia, entre otro efectonan adverso.

Ademas, a tuma nota cu algun informe internacional ta menciona posibel asociacionnan cu depresion y ideacion suicida, aunke no tin evidencia conclusivo di causalidad te awor.

Pa e motibo aki, Cofepris a enfatisa cu e remedinan aki mester wordo prescribi y monitoria pa un dokter specializa y cu promove nan riba medionan social of canalnan no oficial ta aumenta riesgonan pa salud.

Demanda halto y prijsnan halto a alimenta e surgimento di mercadonan ilegal cu ta ofrece versionnan mas barata, cu prijsnan cu ta varia di 200 pa 500 peso (US\$11 pa US\$28), compara cu 3.000-4.000 peso (US\$169-US\$225) pa e producto genuino, specialmente online, den gym, den areanan turistico.

De echo, a haya cu algun lote fraudulento ta contene insulina no declara of contaminantenan bacterial, cu por causa hypoglycemia severo, infeccionnan serio of sepsis.

Weiss a señala cu e expansion di genericonan legitimo, lo tin un aumento den productionan falsifica, complicando mas ainda e proceso pa consumidornan distingui entre productonan autentico y peligroso.

Finalmente, el a adverti cu varios compania di India ya ta preparando pa drenta e mercado Mexicano cu versionnan generico di GLP-1 na prijsnan asina abao cu US\$15 pa luna, loke lo haci’e mas dificil ainda pa diferencia productonan autentico for di esnan falsifica.

“E lo ta un reto enorme pa e consumidor Mexicano. Verifica kico ta real y kico ta falso lo bira cada biaha mas complica,” el a conclui.

India ta considerando los colebra y crocodil pa controla nan frontera cu Bangladesh



Unidadnan di tereno di Forsa di Seguridad di Frontera (BSF) a haya instruccion pa studia e factibilidad di uza reptilnan—colebra y crocodil—den areanan di riu canto di frontera cu Bangladesh, segun un memo interno di BSF.

E proyecto inusual aki ta planea pa 175 kilometer di areanan di pantano entre India y Bangladesh. E ta un frontera di riu cu ta imposibel pa cera, caminda New Delhi kier crea un

barera natural intimidante. Pa e analista di defensa Aadi Pathikrit, e solucion aki ta atende principalmente un reto logistico: “E ta un tipo di innovacion, un improvisacion. Tin lugarnan caminda no tin barera di metal. E lo ta djis un elemento mas den e sistema di vigilancia.”

A pesar di e uso di sensornan di tecnologia halto y drone, polis di frontera di India ta luchando pa stop crusamento ilegal y trafico di bestia.

NOTICIA FOR DI COLOMBIA

NA CALI NO POR DAL DROGA MAS DEN PARKE

CALI: Ley 0125 di 2024 na Cali a drenta na vigor, despues cu un Tribunal a laga sa claramente cu ta bay



restringui uzo di droga (incluyendo dosis personal) na centronan deportivo, den parkenan, espacionan cultural, y menos di 200 meter rond di scolnan. Secretario di Siguridad na Cali, Javier Garces a bisa cu esaki ta un

bon noticia pa habitantenan di Cali, pasobra awor Gobierno local tin un herment cu ta yuda nan proteha derecho di muchanan y tambe teenagernan cu ta bay uza parkenan pa nan recreacion, y e lo bay bira un lugar sano bek. E decision di Tribunal a bolter e decision di un Corte di Prome Instancia cu na 2024 a blokea e ley despues cu un habitante di Cali a keha. E medida nobo ta valido pa tur parke durante 24 ora di dia. Pesey mes e Gobierno di Cali tin di bay proteha e parkenan aki, y core cu tur hende cu ta dal droga eyden. El a bisa cu e ley aki no ta bay prohibi ni criminaliza e consumo, pero defende e derecho cu muchanan tin pa haci uzo di e espacionan recreativo di e ciudad.

MUCHA A SACA CABEZ DI BENTANA DI BUS Y MURI

MEDELLIN: Un señora y su yiu homber di 4 aña tabata viahando di Granada (departamento Antioquia) rumbo pa



Medellin den un Bus. Durante e careda, e mucha a dicidi na rek y saca su cabez for di e bentana di Bus, y net e ora ey

un otro Bus a pasa y a dal’e, cu a lag’e seriamente herida y cu despues a cost’e su bida. E mucha tabata coriendo den Bus di compania Flota Granada, y net ora cu el a bay saca su cabez di bentana, un Bus di Coonorte a pasa. Mirando cu e mucha a keda gravemente herida pa e golpi, e mama a sali hunto cu algun pasahero mas di e Bus, y a logra haya transporte den un auto pa Hospital. Docternan a constata cu e mucha ta hopi critico, y a dicidi na traslad’e pa un Hospital Pediatrico di emergencia na Rionegro, unda el a keda dos dia hospitaliza, pero a fayece despues. Autoridad a logra localiza e Bus di compania Coonorte den parke na Granada, y el a bisa cu e no a ripara mes cu su Bus a dal cabez di mucha. E mucha a caba di cumpli 4 aña dia 18 di Maart y ta biba na San Pablo di departamento Bolivar.

COLOMBIA CPI MAART A YEGA NA 5,56 PORCIENTO

BOGOTA: Servicio di Estadistica na Colombia, esta DANE a caba di saca e Indice di Prijs di Consumo pa luna di Maart 2026. Compara cu aña pasa, e CPI a yega na 5,56 porciento. Aña pasa Maart e tabata na 5,09%. E biaha aki, tanto e sector di Restaurant y Hotel a subi cu 9,92%, Salud a subi cu 7,87%, Educacion a subi cu 7,54%, Bebida Alcoholic y Tabaco a subi cu 6,75%. Keha di hopi hende ta cu productonan ta birando caro.

Yudando alumnonan di Maria College escohe nan profiel di examen



ORANJESTAD
(AAN): Sistema escolar na Aruba a drenta nan ultimo trimestre di aña escolar.

Na Maria College MAVO, e alumnonan di Ciclo Avanza-1 proximamente lo mester escohe nan profiel definitivo cu nan lo bay cune otro aña den examen.

P'ese y un biaha mas, Maria College a invita diferente profesional pa por a bin duna informacion tocante nan profesion, cu por yuda nos alumnonan haci e decision corecto pa nan futuro.

Masha danki na nos profesionalnan pa nan tempo y experticio. Esnan cu a duna pre-

sentacion tabata e.o. Andrew Steba (Fashion Designer), tambe Liberato Hoek (Servicio di ImSan Ambulance).

Tambe a ricibi presentacion di Oswald Britten (Technical director Delta Blue), Alvan Oduber (Senior Technician Delta Blue), y Dylan Farro (Big Data Analyst).



Pa chica Pos - Habri tuberia y wc. Servicio lihe y confiabel.

Experiencia ta manda

CICLONE

Septic Tank Service

Tel: 564-0607 / 734-0607

TA FURA ELMA UPHOLSTERY

Matras, box busca mainta y haye atardi! Set di sala, tv chair, sienta auto.

Tel: 565-5577

Macapruimstraat # 1L

WASMACHINE

Ta drecha wasmachine, dryer, stoof, forno.

Ta drecha, service y instala airco. Tel: 742-2518.

Ta drecha na cas mes.

TA CHAPI

Corta mata.

Ta tira sushi afo. Nos ta hardineria completo na super bon prijs.

Tel: 569-8003

JR PLOMERIA Y CONSTRUCCION VBA

Nos ta haci tur trabao di plomeria grandi y chikito. Lavamanos, wc, lavaplatu y ducha.



Jrplomeriaconstruccion@gmail.com • Sero Blanco 29-E

Tel: 563-4154 • 563-9130

NOS TA CUMPRO

Holoshi antiguo y moderno di bon marca.

Pa info: 744-9995

TA BUSCA

Persona serio y responsabel pa haci trabao di cas 2x pa siman. Manda Whatsapp na Tel: 730-0066

Mercado Reparacion y Servicio

Nos ta drecha

Wasmachine, Frigidaire, Cooler, Dryer, Stoof, Forno. Tur tipo di split-unit y window.

ALEX MERCADO! Any time

Cel: 567-0580

NOS TA DRECHA

Frigidaire, wasmachine, dryer, airco, cooler.

Tel: 566-4366

DIARIO

Pa noticia, cumpleaños, comentario, redaccion: noticia@diario.aw

Tel: 582-6747



Aurora

Royal Pray

Funeral Home & Crematory

Cumana # 76 & # 44
van Speyckstraat # 1
Oranjestad, Aruba

T.: (297) 588-6699

E.: info@aurorafuneralaruba.com

Gradicimento / Invitacion

Na nomber di famia nan nos kier a gradici cada un cu a tuma nan tempo pa a bin dispidi di nos ser stima:

Giovanni Joaquin Tromp

"Ovi" of "Gio"



Boso muestra di atencion ta di hopi aprecio y un gran sosten pa nos. Un danki na un y tur cu a manda carchi, krans, whatsapp, email y a hasi yamada nan telefonico.

Tambe na Aurora Funeral Home pa cu su bon servicio y atencion.

Ta invita pa asisti na 3 Santo Sacrificio di misa cual lo tuma lugar na Misa Santa Anna na Noord

Diabierna 10 di April 2026 pa 6:30 di atardi

Diasabra 11 di April 2026 pa 7or di anochi

Diadomingo 12 di April pa 6or di atardi

Bo(so) presencia lo ta altamente aprecia.

Aurora

Royal Pray

Funeral Home & Crematory

Cumana # 76 & # 44
van Speyckstraat # 1
Oranjestad, Aruba

T.: (297) 588-6699

E.: info@aurorafuneralaruba.com

Gradicimento y invitacion

Pa medio di esaki famia kier gradici tur esnan cu di un manera of otro a duna nos sosten, consuelo y forsa durante e momento dificil aki cu nos defunto stima:



Graciela 'Chia' Geerman

Alabes nos kier a invita pa 3 Santo Sacrificio di misa cual lo tuma lugar na misa Inmaculada Concepcion na Santa Cruz;

Diabierna 10 di april 2026 pa 7or di anochi,

Diasabra 11 di april 2026 pa 7or di anochi y

Diadomingo 12 di april 2026 pa 6:30 di atardi.

Boso presencia lo ta altamente aprecia.



**FIND
MOVIE TIMES**
THEMOVIESARUBA.com



THE MOVIES | GLORIA
*A MetaCorp Subsidiary



YOU, ME & TUSCANY



BEAST

Parlamentario Xiomara Maduro:

Un homenahe na Hassalani Mehran kende tabata prome Presidente di Banco Central di Aruba

ORANJESTAD (AAN): Den cuadro di celebracion di 40 aña di Status Aparte, Parlamentario Xiomara Maduro kier muestra un profundo gratitud na sr. Hassalani Mehran, kende e tempo ey, tabata forma parti di e staff di Fondo Monetario Internacional (IMF), a acepta e reto pa bira e prome President di Banco Central di Aruba.

Conforme e vision di Betico Croes y den colaboracion cu Minister Don Mansur, sr. Mehran a wordo invita pa yuda traha e base di un institucion nobo y crucial pa Aruba. Den un periodo di incertidumbre y transicion, Mehran a tuma e reto cu determinacion, liderando e establecimiento di Banco Central



di Aruba for di cero, ainda bao di condicionnan limita y dificil.

Un di su prioridadnan principal tabata tende e preocupacionnan di e comunidad y e sector financiero. Cu un enfoke riba transparencia y dialogo, el a traha hunto cu banco-

nan, sector priva y pueblo pa logra confianza den e sistema monetario nobo, incluyendo e transicion pa un moneda propio. E prome dianan di operacion di e banco a muestra claramente su compromiso, ora cu Mehran y su ekipo chikito a traha in-

tensamente pa garantisar cu e sistema financiero tabata funciona y cu confianza tabata presente.

Su contribucion no a termina despues di e prome etapa. Sr. Mehran a bolbe sirbi Aruba durante un di dos periodo bao di Minister di Finansa Nilo Swaen di 2007 pa 2008, demostrando un bes mas su compromiso cu nos pais. Ademas Mehran tabata den e prome directiva di Aruba Investment Bank y den e posicion eyan a lidera tambe un trabao importante riba tereno di finansa publico (e Raport di Comision Nacional riba Finansa Publico 'Raport Mehran') cu a ofrece guia balioso pa e maneho responsabel di finansa di gobierno.

Awe ainda, for di su casa na Bethesda, Maryland na Merca, sr. Mehran ta mantene un laso estrecho cu Aruba. Oficialnan Arubiano ta sigui bishit'e pa busca su conseho y sabiduria, un testimonio cla di e respet profundo cu el a gana y di e impacto duradero di su trabao.

Sr. Mehran no solamente a yuda construi un institucion, pero tambe a yuda construi confianza, estabilidad y futuro pa Aruba.

"Danki sr. Hassalani Mehran pa kere den Aruba," ta palabranan di gratitud cu Parlamentario Xiomara Maduro kier expresa na ocasion di 40 aña di Status Aparte y 40 aniversario di existencia di Banco Central di Aruba.



LUCKY GROUP OF STORES

SAMSUNG
4 BURNER GAS
STOVE



24
INCH

SPECIAL PRICE
829.00



60" 4K UHD SMART LED TV



Ultra HD
4K

SPECIAL PRICE
1049.00

DAIKIN
SPLIT UNIT AIR CONDITIONER

12000
BTU
110V



GL Series
INVERTER
SPECIAL PRICE
949.00



WASHER & DRYER
COMBO (2 IN 1)



14
KG



SPECIAL PRICE
2129.00

Hisense
TOP MOUNT
REFRIGERATOR



16.5
CUFT

SPECIAL PRICE
1589.00



SOUND BAR
WITH
WIRELESS SUB WOOFER
2.1 CH



SPECIAL PRICE
429.00

LUCKY ELECTRONICS

HAVENSTRAAT #27 TEL:-582-9630 / 6610420

Insta360 GO 3S



661-0420

SAMSUNG
GALAXY S26 ULTRA



256GB
512GB

661-0420

GoPro
Be a HERO.
HERO 13



661-0420

APPLE **IPHONE 17e**



661-0420

JBL PARTYBOX



Starting Price
\$299

Mother's Day
Cup



SPECIAL PRICE
3.95

Letter
Box



SPECIAL PRICE
32.95

Fordable
Table & Chair



ANTES
325.00

AWOR
280.00

Pet Sofa



SPECIAL PRICE
210.00

Perfume Set



SPECIAL PRICE
12.95

Bathroom
wall
Rack



SPECIAL PRICE
17.95

Bar Stool **Chair**



SPECIAL PRICE
55.00



SPECIAL PRICE
65.00

Sofa Bed



SPECIAL PRICE
850.00

Ceramic
Vase



SPECIAL PRICE
26.95

13" Wheel
Cover



SPECIAL PRICE
59.95

Recliner
Sofa



SPECIAL PRICE
475.00

Swing



SPECIAL PRICE
525.00

LUCKY SUPER STORE
JOHN G EMANSTRAAT #71 TEL:-582-3001

LUCKY FAMILY STORE
SAVANETA #490 TEL:-582-0034

LUCKY ELECTRONICS
HAVENSTRAAT #27 TEL:-582-9630